

2

7262



3188

MANUALE SODALIIUM
S. ANTONII
PADUANI,
AUDITORIBUS OBLATUM
DUM

THESES

EX UNIVERSA SS.

THEOLOGIA

AD MENTEM DOCT. SUBTILIS.

JOANNIS DUNS-SCOTI

IN STUDIO GENERALI

V. CLAUDIOPOLITANO

Publicè propugnarent

VV. PP. AMBROSIUS BAUMGART-
NER, & BERNARDUS BECZE,

Ord. Min. S. P. N. F. Strict. Observan.
Prov. Transylv. S. R. Stephani

AA. LL. & Philosoph. Lect. Candidati.

PRÆSIDE.

R. P. F. ANTONIO MIHALYFFI

Ejusdem Ord. & Prov. SS. Theologiae
LECTORE ORDINARIO.

34 Anno 1761. Die. Mens. Junii.

CLAUDIOPOLI.

Typis Academicis Societ. JESU.

S U B
GRATIOSISSIMIS AUSPICIIS
ILLUSTRISSIMI
DOMINI, DOMINI
FRANCISCI
FERDINANDI
SCHELS

SAC. CÆS. REGIÆ, APOSTO-
LICÆQUE MAJESTATIS SALIS
FODINARUM IN PRINCIPATU
TRANSYLVANIÆ

INSPECTORIS
MERITISSIMI
DOMINI, DOMINI

 A C
PATRONI

GRATIOSISSIMI
MUNIFICENTISSIMI.



I.
LUMEN naturale ingerit DEUM
existere. II. Nullus rationis
compos potest diu invincibiliter i-
gnorare DEUM. III. Essentiæ Di-
vinæ ratio primò constitutiva, &
ultimò distinctiva est ipsum Esse,
§ 2 seu

seu existentia per Essentiam. IV.
Quæ ab Attributis, & Relationi-
bus, sicut & Attributa inter se for-
maliter ex natura rei distinguitur.
V. DEUS nullum futurum cogno-
scit ante Decretum. VI Habet
veram voluntatem salvandi omnes
homines. VII. Nullum reprobatur
positivè ante prævisa peccata. Pa-
riter Electio efficax ad ultorum ad
Gloriam fit post prævisa merita ex
gratia. VIII. Animæ Justorum,
quibus nîl eluendum restat in Pur-
gatorio, statim post decessum, fru-
untur visione DEI intuitiva. IX.
In Divinis dantur in una individua
Essentia Tres Personæ realiter di-
stinctæ. X. Et sunt Consubstan-
tiales. XI. Spiritus S. à Patre,
Filióque procedit. XII. Angelos
deputari in hominum custodiam
scriptura S. docet. XIII. Sicut
& in homine dari liberum arbitrium.
XIV.

XIV. Non repugnat actus etiam in individuo indifferens. XV. Actus externus liberè elicitus superaddit interno peculiarem moralitatem. XVI. Incarnatio Verbi Divini fuit decreta ante prævisionem peccati. Unde XVII. Etiamfi Adam non peccâisset, Christus adhuc venisset. XVIII. Unio humanitatis cum Verbo facta fuit in unitate Personæ, non Naturæ. XIX. Christus superexcedenter satisfecit pro omnibus. XX. Sed ejus merita nobis applicare debemus. XXI. Christi humanitas non est ubique. XXII. Angeli, & Sancti in cœlo existentes piè, & Sanctè coluntur cultu Religioso. XXIII. Sicut & eorum Imagines cultu Religioso respectivo. XXIV. Sancti utiliter à fidelibus invocantur tamquam Amici DEI. XXV. Peccata non sunt omnia mortalia: vel æqualia. XXVI.

Nul-

Nullum includit malitiam intrinse-
cè infinitam. XXVII. DEUS in
ordine ad salutem consequendam
dat omnibus hominibus Gratiam
sufficientem. XXVIII. In Justifi-
catione peccatoris non solum te-
guntur, sed verè delentur peccata.
XXIX. Impium est dicere, omnia
nostra opera esse peccata. XXX.
Ergo dantur etiam bona opera me-
ritoria. XXXI. Una tantum est
Fides salvifica, videlicet sola Ro-
mano-Catholica. XXXII. Membra
veræ Ecclesiæ non sunt soli justî,
& prædestinati. XXXIII. Domi-
nium ejusdem rei in solidum penes
duos esse nequit. XXXIV. Plu-
res tamen principaliter concurren-
tes ad damnum tenentur restitutio-
nem facere in solidum. XXXV. Pos-
sessor malæ fidei obligatur restituere
rem ipsam. XXXVI. Item fru-
ctus omnes (si industriales demas)
five

five exstantes, five non. XXXVII.
Item compensare, lucrum cessans,
& damnum emergens. XXXVIII.
Septem sunt Sacramenta Novæ Le-
gis, omnia immediatè à Christo in-
stituta. XXXIX. Quæ moraliter
causant Gratiam. XL. Quam nul-
lum Sacramentum confert ex ope-
re operato, nisi re ipsa susceptum.
XLI. Sine Baptismo non est Salus.
XLII. In Eucharistia Verus Deus,
& Homo Christus JESUS realiter
est præfens. XLIII. Sacramen-
tum Pœnitentiæ est omnino distin-
ctum à Baptismo. XLIV. Nequit
simul esse validum, & informe.
XLV. Ejus partes essentielles sunt
Absolutio à legitimo Ministro facta,
& actus Pœnitentis. XLVI. Ve-
rus Sacerdos habet potestatem
absolvendi à peccatis. XLVIII.
Confessio peccatorum post Bapti-
sma commissorum Sacerdoti faci-
enda

enda est necessaria necessitate Præ-
cepti Divini. XLVIII Defacto
unum peccatum mortale non re-
mittitur sine altero. XLIX. Nul-
lum tamen datur essentialiter ir-
remissibile. L. Datur in Ecclesia
Catholica potestas Divinitus colla-
ta Divo Petro, ejusque legitimis
successoribus concedendi Indulgen-
tias. *Et hæc cedant.*

A. M. D. G.



OFFICIUM
S. ANTONII

PADVANI,

Ejusdemque

CONGREGATIONIS,
REGULÆ, ac INDULGENTIÆ,
Cum brevi, & compendiosa Pro-
diglorum Sancti descriptione.

Quæ

Annô 1684. Calovix Typo data;

Nunc denuò

Pro neo-creta, in Templo B.
V. ad Nives Vetero-Claudiopoli-
tauo FF. Min. strict. Observ. S. Francisci
Seraphici Prov. Transylv. Tit. S. Regis
Stephani, ac per D. Papam BENEDI-
CTUM XIV. Indulgentiis decorata

Ejusdem S. Antonii Padva. Congre-
gatione, piis expensis, reimprimâ
curavit Latino, Hungarico, ac
Germanico idiomate

Superiorum permissu.

IN CENŒ CSIKIENSI 1747.


ILLUSTRISSIMUS
D. COMES
STEPHANUS
MIKES
DE ZABOLA

Sac. Cæs. Regiæq; Maj.
Camerarius, ac I. Comitatus
Albensis Supremus Comes, &c.

unâ cum sua Conthorali

ILLUSTRISSIMA
COMITISSA
ROSALIA
PETKI

DE KIRALY-HALMA,
Ad ampliorem S. Anto-
nii Padvani honorem, ac spi-
ritualem Fidelium consolatio-
nem



ILLUSTRISIME D. COMES,
&
ILLUSTRISSIMA D. COMITISSA

Quod olim per Ose-
am Prophetam dixit Spi-
ritus Sanctus ad fidelem
animam: Spōsabo te mihi in fem-
pitemum; Oseæ 2. Illud ipsum
temporibus hiscè novissimis, ab eo-
dem Divinissimo Spiritu, Illustri
Vestra Prosapia dici putetis, Illu-
strissime D. Comes, ac Comitissa.

Quæ videlicet Vestra Prosapia
in Ovili Pastoris optimi Math. 16.
v. 18. in solo Militantis, suprâq;
firmam Petram edificatæ Ecclesiæ,
adeò fideliter semper perstitit, &
firmiter, ut quamvis plurimis,

*iisque periculò plenissimis errorum
procellis, novas inter, & novas sæ-
culi undas agitata fuerit; ancho-
ram nihilominus suam in Deo ejus-
que timore pariter, amore, ac fide-
litate fixam moveri nunquam si-
vit. Deus enim T. O. M. (cujus
Providentiæ, ac Sapientiæ non est
numerus Ps. 146) Pro sapiam hanc
Vestram Illustrissimam sub Tute-
la Divi, ac Prodigiousi Antonii Pad-
vani constituit, ad cujus glorio-
sum, ac validum interventum ce-
dunt mare, vincula: percunt peri-
cula: cessat & necessitas.*

*Et ex hinc factum, quòd Illu-
strissimus D. Comes Michaël Mi-
kellius, Magni Nominis Genitor
Tuus, Illustrissime D. Comes, olim
jam, dum adhuc vitam ageret
mortalem, Divum hunc Antoni-
um Padvanum, Patronum, Tuto-
remq; Pro sapie, ac Domus sue sæ-
dere perpetuo meruerit, Ejusque*
He-

*Honorem, Libellò etiam in lucem
datò, ampliàrit.*

*Unde quemadmodum cum jubi-
lo dixit olim Coronatus Vates ad
Deum: hæreditate acquisivi testi-
monia tua in æternum: quia exul-
tatio cordis mei sunt; Ità pariter,
& Tu Illustrissime D. Comes, ma-
gna cordis exultatione dicere ex
vero ad Divum potes Antonium:
Avitam ex Illustrissimo Meo Ge-
nitore Hæreditatem acquisivi, ac
possideo Te Dive Antoni. Tua si-
quidem merita: Congregationi
pauperum affabilem me fecere à
Puerò: Tua Tutela, Me, Famili-
am, Domiumq; Meam in verè Ca-
tholica, ac salvifica Ecclesia cum
timore Dei firmavit, ac conserva-
vit: per te denique bonis omnibus
repleti sumus. Tob. 12. v. 2.*

*Sed & gloriari potest Illustrissi-
ma Tua Proſapia, Comes Illustris-
sime; quòd talem in Te invenerit*

*Virum, in quo cujusve adjutorio
sibi simili, Gen. 2. Illustrissimani-
mirum Thori Consorte, Avitam
Majorum erga Domum Dei pietatem,
& zelum: ferventem erga
Sanctos, Divum praesertim Anto-
nium devotionem: promptam er-
ga Congregationem pauperum
affabilitatem intuetur.*

*Tuum verò gaudium, illud ma-
ximè plenum facit, gloriámq; ad-
auget, Comes Illustrissime, quòd
quemadmodum Divus Tuus Anto-
nius non contentus à se solo amari
Deum, & laudari, quin, & alios
ad Eum amandum & laudandum,
lingvâ suâ benedictâ, hodie dum
incorruptâ inflammaret; S. Bona-
vent. pariformiter Tu quoq; satis
minimè arbitratus, amorem pari-
ter, & laudem Deo in Sanctis suis
Psal. 150. deferre unâ cum Illu-
strissima Tua Conjuge: alios etiam
ad id faciendum, quâ exemplò,
quâ*

quà pius misericordiae operibus ad-
natus es: dum Altaria haudqua-
quam ut Moyses pro cruento sacri-
ficio, verum Incruento Agni Im-
maculati offerendo, tum apud RR:
PP. Trinitarios Carolina, tum a-
pud FF. Minores strict. Obs. Clau-
diopoli, Divo dicata Antonio, è
fundamento erexisti. Silentio in-
volvo cetera, quæ ideo Tu Ipse oc-
cultæ voluisti: ut nesciat sinistra
tua, quid faciat dextera tua. Math.
6. Minimè satis arbitratus es, Do-
mum, Prosapiamq; Tuam Illustris-
simam sub Tutela Prodigijsi consi-
tutam esse Antonii, quin & sacram
sub Nomine, ac Protectione Ejus-
dem Divi Congregationem, veluti
arcam quamdam Noëmiticam fun-
dares: in qua sub Tui Gubernami-
ne Tutoris contra periculosas scil-
las, & charibdes, adversus videli-
cet mundi, carnis, ac demonis insul-
tus tuti forent omnes, qui fluctuan-

tes in medio seculi nequam pelago,
ad eam cum fiducia convolarent.

Nec hoc satis pietati, zelòq; Tuo.
Quò magè ad amorem, cultumq;
Deo suis in Sanctis exhibendum
manuduceres universos: Magnam,
Divi Antonii Sanctitatem, ac Pro-
digia: Mystera item Sacro-sancti
Missa Sacrificii, devotamque Eo-
rumdem explanationem, è quodam
quasi vetustatis pulvere excitata,
laudabili planè studio in lucem mi-
sisti denuo, hoc in libello patere
omnibus voluisti.

Quam Tuam laudabilem Pietate-
tem, Zelumq; planè eximium, adeò
probavit, laudavit, ratumq; habu-
it Illustrissima Tua Comitissa,
Thor q; Consors amantissima Ro-
salia Petki; ut præterea efficax a-
pud Te Oratrix fieret, Libelli hu-
jus tum Hungarico, tum Germa-
nico idiomate, beneficio typi publi-
candi. Idq; ea perfecit intentione,

Et animò: ut in omni Lingua, quo-
ad fieri posset, ab omni Populo,
Gente, ac Natione, glorificaretur
Deus, ac in Sanctis suis, Divo
presertim Antonio coleretur.

Nec mirum: Illa enim Consors
Tua Illustrissima ex ea Illustrissi-
morum Comitum Petkiorum Stir-
pe oriunda, quæ piam erga Congre-
gationem pauperum affabilitatem:
erga Domum Dei zelum arden-
tem: ac flagrantem erga cultum
Sanctorum devotionem heredita-
rio quasi jure sibi debitam marga-
ritam, sub fideli semper custodia
habuit, committere haud qua-
quam potuit, quin Mariti affabili-
tatem affabilitate, zelum zelò,
devotionem devotione locupleta-
ret, promoveret, edaugeret, ut
Mulier scilicet: bene consentiens
viro suo, in qua Deus sibi compla-
cuit. Eccli. 25. Math. 12.

Eja Fideles, Divi presertim An-

tonii Clientes, sub Prodigioso E-
jusdem Labaro, hac in Congrega-
tione militaturi! quid possumus
dare Viro Isti Illustrissimo pro his
omnibus? quam mercedem dabi-
mus Ei? aut quid dignum poterit
esse beneficiis Ejus? *Tob. 12. sub
tutela Divi nos Antonii constituit:
Labarum, sub quo contra mun-
dum, carnem, & demonem trium-
phemus, erexit: Congregationem
Prodigiosi Antonii fundavit: Ar-
cam, quâ ex periculoso mundi hu-
jus mari ad Beatae littus Patriae ve-
hamur, construxit: Sanctitatem
item, vitam, & Prodigia S. Anto-
nii: Mystera denique Sacro-san-
cti, ac tremendi Missæ Sacrificiî
cum devota eorundem explanatio-
ne, quâ ad imitandum, quâ ad
contemplandum hoc in Libello no-
bis exhibuit: & bonis (ut verbo
dicam) omnibus per eum repleti
sumus. Quid illi ad hæc poterimus*

*dignum dare? rogemus Eum, si
fortè dignabitur medietatem de
omnibus, quæ allata sunt, sibi as-
sumere: Ibid. orationum scilicet,
meritorum, ac bonorum operum,
quæ in tota hac Congregatione, De-
votusq; ejusdem Membris Deus T.
O. M. operari dignabitur, partem
hiscæ delatam, acceptam habere:
ut virtute illorum Dominus con-
servet Eum! & vivificet Eum! &
beatum faciat Eum in terra! &
non tradat eum in animam inimi-
corum Ejus! Ps. 40. Fiat Corona
Ejus sicut vitis abundans in lateri-
bus Domus Ejus! Filii Ejus, sicut
novellæ olivarū in circuitu mensæ
Ejus! Benedicat Illi Dominus ex
Sion, Ps. 127. unà cum Illustrissi-
ma Thoræ Conjuge (Cujus procul,
& de ultimis finibus pretium
ejus Prov. 31.) Et videat Filios
Filiorum suorum! sic enim bene-*

dicetur Homo qui timet Domi-
num, & laudat Deum in San-
ctis ejus. *Psal. 150.*

Ita vovet

Illustratibus Vestris

*Neo-erecta Congregatio
unà cum Membris.*

RE-



R E G U L Æ

A.

*Fidelibus hujus Congregationis
observanda.*

I.

HUic Congregationi nomen
daturi, *Responsorium* S. An-
tonii: Si quæris miracula &c. cõ-
positum in honorem Ejusdem à
D. Bonavent. Card. & Eccl. Doct.
multisq; miraculis confirmatum,
quot-diebus semel orando persol-
vant. Qui verò dictum *Responso-
rium* ignorant, orent tria *Pater
noster, &c.* totidémque *Ave Ma-
ria, &c.* & unum *Credo, &c.*

II.

QUò amplius memores esse
possunt hujus Prodigiousi S.
sanctè, & laudabiliter fecerint, si
Ejusdem Imaginem, aut in Libris

A 7

fu-

suis precatoriis, aut in Domibus,
vel utrobique decenti honore as-
servarint.

III.

DEcedentium è Congregatio-
ne Nomina ad Congregatio-
nis Præsidentem deferent: quatenus
in librum mortuorum referri pos-
sint; Ipsique orabunt pro Iisdem.

Admonitio.

Ad harum Regularum observa-
tionem sub peccato non obligan-
tur Fratres, & Sorores Congre-
gationis. Devotio proinde sua fa-
ciat unumquemque obligatum:
quò amplius Patrocinium Hujus
Gloriosi, ac Prodigiosi Sancti,
suis in necessitatibus obtinere,
& experiri valeat.

Ex-

Extractus

BULLÆ

BENEDICTI PAPÆ XIV.

Ad perpetuam rei memoriam. &c.

1^{mò}. **O**mnibus utriusque Sexsûs Xci Fidelibus, qui dictam Confraternitatem impofterum ingredientur, die primo eorum ingressûs. si verò pœnitentes & confessi, Sanctissimum Eucharistiæ Sacramentum sumpserint, plenariam.

2^{dò}. Ac tam descriptis, quàm pro tempore describendis in dicta Confraternitate Confratribus, & Confororibus in cujushbet eorum mortis articulo, si verè quoque pœnitentes, & Confessi, ac Sacra Communionem recepti, vel quatenus id facere nequiverint, saltem contriti, Nomen Jesu ore, si potuerint, sin minus corde devotè invocaverint, etiam plenariam.

3^{tiò}. Nec non eisdem nunc & pro tempore existentibus dictæ Confraternitatis Confratribus, & Confororibus,

etiam verè pœnitentibus, & confessis, ac Sacra Cômunionè relectis, qui præfata Confraternitatis Ecclesiam, seu Cappellam, vel Oratorium die Festo principali dictæ Confraternitatis per eosdem Confratres, semel tantùm eligendo, & ab Ordinario approbando à primis Vesperis usque ad occasum solis diei hujusmodi singulis annis devotè visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, plenariam similiter omnium peccatorum suorum Indulgentiam, & remissionem misericorditer in Domino concedimus.

4^{to}. Insuper dictis Confratribus, & Consonoribus verè pariter pœnitentibus, confessis, ac Sacra Communionè relectis, Ecclesiam, seu Cappellam, vel Oratorium hujusmodi in quatuor aliis anni feriatis, vel non feriatis, seu Dominicis diebus per memoratos Confratres semel tantùm etiam eligendis, & ab eodem Ordinario approbandis, ùc suprâ visi-

tantibus, & ibidem orantibus, quo die
præfatorum id egerint, septem annos,
& totidem quadragenas.

Itē. Quoties verò Missis, & aliis Di-
vinis Officiis, in Ecclesia, seu Capella,
vel Oratorio hujusmodi pro tempore
celebrandis, & recitandis, seu Congre-
gationibus publicis, vel privatis ejus-
dem Confraternitatis ubivis faciendis,
interfuerint, aut Pauperes hospitiō su-
sceperint, vel pacem inter inimicos
composuerint, seu componi fecerint,
vel procuraverint; nec non etiam qui
Corpora defunctorum, tam Confra-
trum, & Confororum hujusmodi,
quàm aliorum ad sepulturam associave-
rint, aut quascunque Processiones de li-
centia Ordinarii faciendas, Sanctissi-
mumque Eucharistiæ Sacramentum
tam in Processionibus, quàm cum ad
Infirmos, aut aliàs ubicunque & quo-
modocunque pro tempore deferatur,
comitati fuerint, vel si impediti Cam-
panæ ad id signo dato semel Orationem
Dominicam, & Salutationem Angeli-
cam

cam dixerint, aut etiam quinquies Orationes, & Salutationem, easdem pro animabus Defunctorum Confratrum, & Confortorum hujusmodi recitaverint, aut Deviam aliquem ad viam salutis reduxerint, & ignorantes Præcepta Dei, & ea, quæ ad salutem sunt, docuerint; aut quodcunque aliud pietatis, vel charitatis opus exerceverint, toties pro quolibet præfatorum operum exercitio, Sexaginta dies de injunctis eis, seu aliàs quomodolibet debitis pœnitentiis in forma Ecclesiæ consveta relaxamus. Præsentibus perpetuis futuris temporibus valituris. Datum Romæ apud S. Mariam Majorem sub Annulo Piscatoris die 13. Jan. 1747. Pontificatûs Nostri Annô septimô.

D. Card. Passionel.

Ut præsentis Indulgentiæ omnibus Xpi Fidelibus promulgari possint, Auctoritate Nostra Episcopali facultatem in Domino impertimur. Cibiniî 26. Febr. 1747.

Fe-

Festa porrò denominamus : Principale
 S. Antonii de Padua. Minus Princi-
 palia : S. Catharinæ Bononiensis,
 S. Catharinæ Senensis, S. Claræ V.
 & S. Petri de Alcantara.

Fr. Episcopus Transylv.

m. p.

Alter Extractus.

BENEDICTUS PAPA XIV.

Ad futuram rei memoriam.

OMnium salutem paternam charitate in-
 tenti, sacra interdum loca Spiri-
 tualibus Indulgentiarum muneribus
 decoramus, ut inde Fidelium Defunctorum
 animæ Domini Nostri Jesu Christi,
 ejusque Sanctorum suffragia meritorum
 consequi, & illis adjunctæ ex Purgatorii
 pœnis ad æternam salutem per DEI
 misericordiam perducere valeant. Volen-
 tes igitur Ecclesiam Sanctæ Mariæ ad
 Nives Fratrum Ordinis Minorum S.
 Francisci strictioris observantiæ nuncu-
 pati, Oppidi Civitatis nuncupati Clau-
 diopolis Albæ Juliæ Diœcesis, & in ea
 si-

ea situm Altare Confraternitatis sub invocatione S. Antonii de Padua simili ad præfens Privilegio minimè decoratum hoc speciali Dono illustrare, de Omnipotentis DEI Misericordia, ac BB. Petri & Pauli Apostolorum ejus auctoritate confisi, ut quandocunque Sacerdos aliquis sæcularis, vel Regularis Missam Defunctorum in die Commemorationis Defunctorum, & singulis diebus infra illius octavam, ac in una feria cujuslibet hebdomadæ per Ordinarium designanda pro anima cujuscunque Confratris, & Confororis dictæ Confraternitatis, quæ DEO in Charitate conjuncta ab hac luce migraverit, ad præfatum Altare celebrabit, anima ipsa die thesauro Ecclesiæ per modum suffragii indulgentiam consequatur; ita ut ejusdem Domini Nostri Jesu Christi, ac Beatissimæ Virginis Mariæ Sanctorumque Omnium meritis sibi suffragantibus à Purgatorii pœnis liberetur, concedimus, & indulgemus. In contrarium facien. non obstant. quibuscunque


que. Præsentibus ad septennium tantum valituris. Datum Romæ apud sanctam Mariam Majorem sub Annulo piscatoris die XIII. Jan. M. DCC. XLVII. Pontificatûs Nostri Annô 7mô.

D. Cardinalis Passione.

Gratis pro Deo, & Scr.

Ut præsentis Indulgentiæ omnibus Christi fidelibus promulgari possint, Authoritate Nostre Episcopali facultatem in Domino concedimus.
Cibinii 26. Febr. 1747.

Fr. Episcopus Transylvaniæ.
m. p.



D E V O T I O

Ad S. Antonium Paduanum.

O F F I C I U M

S. ANTONII DE PAD.

AD MATUTINUM.

ECce Crucem Domini, fugite
partes adversæ, vicit Leo de
Tribu Juda, radix David. All. All.

ψ. Domine labia mea aperies,

℞. Et os meum annuntiabit
laudem tuam.

ψ. Deus in adiutorium meum
intende,

℞. Domine ad adjuvandum
me festina. Gloria Patri, & Fi-
lio, & Spiritui Sancto, sicut erat
in principio, & nunc, & semper,
& in sæcula sæculorum, Amen.
Alleluja; *vel* Laus tibi Domine,
Rex æternæ gloriæ. Hy-

Hymnus.

DUm quinque Christo Sangvi-
nem

Fundunt Minorum milites,
Fervente flammâ nobile
Antonii cor æstuat.

Parem precatus lauream
Aurelianos deserens,
Pugil futurus nobilis,
Ad castra Fratrum transiit.

JESU tibi sit gloria,
Qui magna magnus efficis,
Antonii nos quæsumus
Preces beatæ protegant.

Antiph. O proles Hispaniæ, pa-
vor infidelium, nova lux Italiæ,
nobile depositum Urbis Padvanæ,
fer Antoni gratiæ Christi patrocini-
um, ne pro lapsis veniæ tempus
breve creditum defluat inane.

℣. Jubilent omnes Filii Dei.

℞. Et plallant laudes sancti Anto-
nii.

Ore-

Oremus.

DEus, quem in sanctis mirabilem Ecclesia prædicat, quorum suffragiis novit sibi adesse in tribulatione auxilium, da nobis in nomine sancti Antonii Confessoris tui congregatis postulata allequi, ut in omni adversitate protecti, à Divina laude nunquam cessemus. Per Dominum nostrum Jesum Christum Filium tuum. &c.

AD PRIMAM.

V. Deus in adiutorium meum &c.
R. Dñe ad adjuv. &c. Gloria Patri, & Filio, &c.

Hymnus.

Flagellat, urget hæreses,
 Et prædicando destruit,
 Quod inferorum carceres
 Spontæ Dei construxerant.
 Jesu tibi sit gloria,
 Qui magna magnus efficis,
 Antoni nos quæsumus,

Preces beatæ protegant.

Antiphona. Conterit miraculis
peccatorum dentes, sponsam
Christi patulis rictibus mordentes.

V. Exurge Antoni beatissime.

R. Ut liberemur ab hostibus cor-
poris & animæ.

Oremus.

DEus qui Beatum Antonium
Confessorem tuum, verbi
tui Præconem eximium effecisti,
& ejus salutari doctrina Ecclesiam
lætificasti; concede, ut quem in
terris vitæ habuimus Doctorem,
ipso intercedente, quod ore &
opere docuit, exercere valeamus.
Per Dominum nostrum, &c.

AD TERTIAM.

V. Deus in adiutorium meum, &c.

R. Dñe ad adjuvandum me festi-
na. Gloria Patri, & Filio, &
Spiritus Sancto, &c.

B

Hy-

Hymnus.

MEl lingua stillat optimum,
 Rorem beati Pneumatis,
 Fontes fluunt ex cautibus,
 Ex corde duro lacrymæ.

JESU tibi sit gloria.

Qui magna magnus efficis,
 Antonii nos quæsumus,
 Preces beatæ protegant, Amē.

Antiphona. Totus in te sitiens
 Deus, ad te vigilans de luce, tu
 fons indeficiens, tu lux illi ruti-
 lans, qui fitis in cruce.

℣. Per merita tua amantissime
 Antoni. ℞. Liquefiant corda
 nostra amore Jeshu Christi.

Oremus.

Torrentem charitatis tuæ dul-
 cissime Jeshu, super aridas
 mentes nostras benignus effunde,
 & intercedente beatô Antoniô,
 ab omnibus peccatorum maculis
 emun-

emunda. Qui vivis & regnas Deus per omnia sæcula sæculorū. Am̄.

AD SEXTAM.

℣. Deus in adjutoriū meum inten.

℞. Dñe ad adjuvandū me festina.

Gloria Patri, & Filio, & Spiritui Sancto, &c.

Hymnus.

Cordi crucem sanctissimam,
Inscripserat medulitūs.

Pondus Crucis sanctissimum,
Suis gerebat intimis.

JESU tibi sit gloria.

Qui magna magnus efficis,
Antonii nos quæsumus,
Preces beatæ protegant.

Antiphona. Coeli, terræ mari-
um benedicant Dominum cunctæ
creaturæ, qui tot per Antonium
signis auget hominum vitæ spem
futuræ.

℣. Lætentur, & exultent gentes.

R. Quas Ecclesiæ Dei aggregavit. Antonius.

Oremus.

DEus, in cuius conspectu Cœli non sunt mundi, respice nos, quorum maculas pretiosô Filii tui sanguine tollere dignatus es, & præsta beati Antonii intercessione, sic per bona temporalia transire, ut mens nostra tuô desiderio fulgeat. Per Dominum nostrum &c.

A D N O N A M.

V. Deus in adiutorium meum &c.

R. Dñe ad adjuvandum me festina, Gloria Patri, & Filio, &c.

Hymnus.

LAngvore tandem solvitur,
 Fonti beato immergitur,
 Absorpta mens cœlestibus,
 Saturâ quiescit gaudiis.

JESU tibi sit Gloria,

Qui

Qui magna magnus efficis,
 Antonii nos quæsumus,
 Preces beatæ protegant.

Antipho. Gaude felix Padua,
 quæ thesaurum possides, cujus in
 altari dignum fore loculum visio
 monstravit.

℣. Exultat sanctus in gloria,
 ℞. Lætatur in cubili suo.

Oremus.

ECclesiam tuam Deus beati An-
 tonii Confessoris tui depreca-
 tio votiva lætificet, ut spirituali-
 bus semper muniatur auxiliis, &
 gaudiis perfrui mereatur æternis.
 Per Dominum nostrum, &c.

A D V E S P E R A S.

℣. Deus in adiutorium meum &c.
 ℞. Dñe ad adjuvandum me festi-
 na. Gloria Patri, & Filio, &c.

Hymnus.

IN pulveres sanctissimos

B 3

Ca-

Caro beata solvitur,
Sed lingua nec vestigium
Corruptionis induit.

JESU tibi sit gloria,
Qui magna magnus efficis,
Antonii nos quæsumus,
Preces beatæ protegant.

Antiphona. O lingua benedicta,
quæ Dominum semper benedixi-
sti, & alios benedicere fecisti,
nunc manifestè apparet, quanti
meriti apud Deum extitisti.

ψ. Sit in terra benedictus San-
ctus Antonius: R. Quem in cœ-
lis glorificavit Altissimus.

Oremus.

EXaudi nos Deus salutaris no-
ster, ut intercedente beatô
Antoniô Confessore tuô, Spiri-
tum Sanctum, quem petentibus
promisisti, meritis ipsius hodie à
te mereamur accipere. Per Dñum
nostrum, &c. AD

AD COMPLETORIUM.

V. Converte nos Deus salutaris
 noster. R. Et averte iram tuam
 à nobis. V. Deus in adjutorium
 meum, &c. R. Dñe ad adjuvan-
 dum me festina. Gloria Patri, &c.

Hymnus.

ERgo tuis clientibus
 Viventibus & mortuis
 Felix Precator obtine,
 Quidquid boni desiderant.

JESU tibi sit gloria,
 Qui magna magnus efficis,
 Antonii nos quæsumus
 Preces beatæ protegant.

Antiph. Quorum vitam moribus
 hic profitebatur, gloriosis Patri-
 bus jam congloriatur.

V. Ora pro nobis beate Antoni.
 R. Ut digni efficiamur promissio-
 nibus Christi.

Oremus.

MItissime, & clementissime JE-
 su, qui beatum Antonium
 Confessorem tuum perpetuis illu-
 stras miraculorum splendoribus,
 concede propitius, ut quæ per
 ejus merita fideliter petimus, per
 ejusdem intercessionem efficaci-
 ter consequamur. Qui vivis, &c.

Commendatio.

HAs horas Canonicas
 Devoti cordis ore
 Depromptas, licet aridas
 Antoni precor suscipe,
 Et in agone tremulos
 Tua prece nos protege. An̄.

*L I T A N I Æ**de S. Antonio Padvano.*

KYrie eleison, Christe eleison.
 KYrie eleison, Christe audi
 nos. Christe exaudi nos.
 Pater de Cœlis Deus, *Miserere n.*

Fili

Fili Redemptor mundi Deus,
 Spiritus Sancte Deus,
 Sancta Trinitas unus Deus,
 S. Maria Patrona Hungariæ,
 Religionis Seraphicæ, *Orap.n.*

S. Antoni de Padua,
 Decus ordinis Minorum,
 Clarum Sydus Hispaniæ,
 Nova lux Italiæ,
 Adoptate auxiliator
 Hungariæ,

Speculum obedientiæ,
 Gemma paupertatis,
 Forma puritatis,
 Arca sacrarum literarum,
 Pavor infidelium,
 Secundus Doctor Genti-
 um,

Primus Concionator Pi-
 scium,
 Aylum oppressorum,
 Anchora naufragorum,

Sancte Antoni.

Oratio pro nobis.

Sancte Antoni,

Portentis semper perennans,
 Mortuorum suscitator,
 Errantium reductor,
 Calamitatum ablator,
 Dæmonum profligator,
 Leproforum mundator,
 Ægrotorum sanator,
 Maris tranquillator,
 Vinculorum solutor,
 Membrorum reparator,
 Periculorum omnium
 peremptor,
 Necessitatum omnium
 provisor,

Ora pro nobis.

Ad te S. Pater Antoni confugi-
 mus, *Intercede pro nobis.*

Ad te S. Pater Antoni suspiramus,
Intercede pro nobis.

Ad te S. Pater Antoni clamamus,
Intercede pro nobis.

O Sancte Antoni Pater beatissi-
 me! *Intercede pro nobis.* O

O Sancte Antoni solatium afflictorum, *Intercede pro nobis.*

O Sancte Antoni Consolator omnium! *Intercede pro nobis.*

Agnus Dei, qui tollis peccata mundi. *Parce nobis Domine.*

Agnus Dei, qui tollis peccata mundi. *Exaudi nos Domine.*

Agnus Dei, qui tollis peccata mundi. *Miserere nobis.*

Christe audi nos. Christe exaudi nos. Kyrie eleison. Christe eleison. Kyrie eleison.

Pater noster, &c. Ave Maria, &c.
V. Prædicator egregie. Ora pro nobis Antoni beatissime.

R. Ut tua interventione percipiamus gaudia vitæ.

Oremus.

Subveniat plebi tuæ quæsumus Domine, præclari Confessoris tui Beati Antonii devota & ju-

gis deprecatio, quæ in præfenti
nos tuâ gratiâ dignos efficiat, &
in futuro gaudia donet æterna.
Per Christum Dominum nostrum.
Amen.

Antiphona Sancti Antonii.

O Sidus Hispaniæ! gemma pau-
pertatis, Antoni, par Scy-
thiæ, forma puritatis, tu lumen
Italiæ, Doctor veritatis, ut Sol
nites Padvæ, signis claritatis.
Amen.

Alia Antiphona de eodem.

O Proles Hispaniæ! pavor infi-
delium, nova lux Italiæ,
nobile depositum Urbis Padva-
næ, fer Antoni gratiæ Christi Pa-
trocinium, ne pro lapsis veniæ,
tempus breve creditum defluat
inane.

℣. In omni tribulatione & an-
gustia nostra.

℞.

R. Succurre nobis sanctissime
 Antoni de Padua.

O R A T I O,

*Quâ S. Antonii Patrocinium im-
 ploratur ad obtinendam Divi-
 nam gratiam.*

S Alve Antoni beatissime, & de
 sede gloriæ tuæ respice in me,
 meisque votis annuere ne dedi-
 gneris; qui opem universis non
 desinis ferre te invocantibus.

Eja, qui supernis ades agmini-
 bus, evigila meis necessitatibus,
 cum jugiter ad fores ostii tui ob-
 servem; tu enim licet superna
 scandas, mortalibus tamen bene-
 facere non cessas, & qui à te non
 dubiâ aliquid efflagitant fide, eos
 inanes nequaquam dimittis, cum
 Divina sic tibi placuerit voluntas,
 ut qui noverint invocare Antoni-
 um, etiam in ærumnis positos,

per te levare velit. Te igitur Antoni ex fortissimis Israël Dei appello, te suppliciter invoco, tuis precibus mihi obtine à Deo indulgentiam peccatorum, ne ob facinorum meorum turpitudinem me despiciat, qui dum pœnitere propono continuò, Angelica turba congaudet. Quare eum pro me deprecare, qui non justos venit, sed peccatores vocare. Pateant Dei aures precibus meis, quamvis indignissimis. Age, ut gratiam coram oculis Domini, ejusque sacro-sancta Virgine Matre adinveniam, tuòque Patrociniò fultus, peccatorum remissionem accipiam; cordis mei tenebras depellas, & quid Dominus à me requirat, tu dulcissime Antoni doceas: non ergo confundar, quoniam invocavi te. Abjectionem

nem, ac animæ meæ paupertatem
nôsti, cui nisi per dies & noctes
interfueris, læthalem faciet ja-
cturam, cùm insomnes eam ini-
mici observent.

Exurge, exurge, & adjuva me,
ut non confundar, quoniam in
vocavi te, qui gloriâ & honore
coronatus, opus fortitudinis Di-
vinâ virtute peragis, perenniter
in Coelis jubilans, qui devotè à
nobis miseris, jugiter in hac la-
crymarum valle invocaris. Amen.

*Oratio ad Sanctum Antonium,
tempore necessitatis par-
ticularis.*

ECce Domine Jesu Christe,
Fili Dei vivi, nunc pronus
me coram Divina Majestate tua
prosterno clementiam tuam sup-
pliciter deprecans, & exorans,
quatenùs viscera misericordiæ
tuæ,

tuæ, mihi benignè pandere, & per amantissimi iervi tui Antonii Padvensis merita gloriosa perafflictò N. N. statui meo succurrere non dedigneris.

Te verò ô beatissime Antoni! qui verus orphanorum Pater es, & Tutor. Clementiæ Dei, & intercessioni tuæ pœnitens cõfidens, totò cordis affectu requiro, ac perimmentum gaudium, quò Christum hunc nostrum propriis complectens ulnis suffulisti, obtestor, ut apud eundem piissimum Salvatorem, & Servatorem meum, mihi gratiam impetrare digneris; ne malorum N. N. turbine confusus, in charitate erga Deum, & proximum meum tepescere, & quæ sanctæ vocationis meæ sunt, minùs perfectè adimplere valeam. Sed potius per te exoratus. (ceda-
tis

tis malorum N. N. fluctibus) constanti, ac ferventi zelô, perpetuò decantare valeam laudes & encomia magni Numinis, viventis in sæcula sæculorum. Amen.

Alia Oratio:

Contra visibilia, & invisibilia hostium impetus, in summis necessitatibus. Per modum Psalmi.

Apprehende arma, & scutum, exsurge in adiutorium mihi. Antoni Beatissime.

Effunde virtutis tuæ frameam, & conclude adversus eos, qui persequuntur me; dic animæ meæ: salutis tuæ adjutor ego sum.

Confundantur & vereantur, qui quærent animam meam, ut auferant eam.

Avertantur retrorsum, & erubescant, qui volunt mihi mala.

Fiant viæ illorum tenebræ, & lu-

lubricum, te inclyto Christi milite
protegente me à calumniis eorū,
ut custodiam mandata Dei mei.

Insurrexerunt enim aduersum
me fortes absque misericordia: &
non posuerunt Deum ante con-
spectum suum.

Quare nisi Dominus custodie-
rit me, per tuam intercessionem:
fortè vivum deglutient me. Esto
mihi in auxilium, & contere bra-
chium eorum; ut benedicam no-
mini Domini, qui non dedit me
in captionem inimicorum meo-
rum.

Irruat super eos formido, & pa-
vor in magnitudine brachii tui: &
consilium eorum destruat.

Fac, oro, mecum signum in bo-
num, ut videant qui oderunt me,
& confundantur: quoniam tu
beatissime Antoni intervenisti pro
me, & consolatus es me. Et

Et dixi: forsitan tenebræ peccatorum conculcant me: & Altissimus viam iniquitatis meæ odiô habet.

Præveniam igitur eum in maturitate pœnitentiæ, & clamabo, & nomen Domini invocabo.

Confitebor adversum me injustitiam meam Domino: ut remittat mihi omnia peccata mea.

Ecce pono ô beatissime Antoni, te Patronum meum juxta me! & accedo thronum misericordiæ Dei mei.

Domine Jesu Christe, ante te omne desiderium meum: & gemitus mei à te non sunt absconditi.

Peccavi in cœlum, & coram te, & non sum dignus vocari filius tuus.

Peccavi super multitudinem arenæ maris, & multiplicatæ sunt ini-

iniquitates meæ: & non sum dignus videre altitudinem cœli, præ multitudine iniquitatis meæ.

Sed tu es Domine, qui cum peccatoribus manducas: & deliciae tuæ sunt, esse cum filiis hominum.

Sperant in te qui noverunt nomen tuum: quoniam non derelinquis quærentes te Domine.

Non intres igitur in iudicium cum seruo tuo Domine: quia non justificabitur in conspectu tuo omnis vivens.

Sed reminiscere miserationum tuarum, quæ à sæculo sunt: & dimitte impietatem peccati mei.

Intret oratio mea in conspectu tuo: secundum eloquium tuum, eripe me de necessitatibus meis.

Periit enim omne consilium à me: & fortitudo mea defecit.

Con-

Confractum est brachium meum, & gladius meus salvare me non potest.

Tu solus es mihi in Deum protectorem, & in Domum refugii: ut salvum me facias.

Redde ergo mihi lætitiā benedictionis tuæ, per merita Sancti Antonii alleva contritiones meas.

Adjuva me Domine Deus meus, firmamentum meum, refugium meum, & liberator meus.

Ut disruptis peccatorum meorum, & adversitatum laqueis, cantem tibi canticum novum laudis, honoris, & amoris.

Hos igitur gemitus ô beatissime Antoni! Divinis præsentata auribus Domini mei Jesu Christi; qui non in sanguine hircorum, aut vitulorum, sed ut pius Pellicanus, pre-

pretiô magnô me redemit rosei
 cruoris sui; dum amore amoris
 mei in Cruce dignatus est mori,
 & tertia die à mortuis resurgere,
 vita, salus, & redemptio nostra:
 cui laus, honor, & gloria,
 per infinita sæcula sæculo-
 rum, Amen.

Quæsitæ brevia de Pa-
 tria, Imagine, ac descri-
 ptione S. Antonii.

Sanctus Antonius Paduanus,
 Vir secundum cor Dei, pro-
 pter affluentes Dei gratias, ab Hi-
 spanis non Antonius, sed Electus
 Dei Sanctus vocatur. A Gregerio
 9. Pontifice Maximo Arca testa-
 menti, & Scripturæ Sacræ prom-
 ptuarium dictus est. Nobilibus, &
 honestis natus est Parentibus, cu-
 jus Parens fuit Martinus Buglio-
 ni,

*ni, Alphonsi Regis insignis Miles,
Mater autem Theresia Taveri.*

Quando, & ubi natus?

R. Annò 1195. In Hispaniis Ulyssippone Civitate Regni Portugalie, ubi quedam Ecclesia in honorem Gloriosa Virginis Dei Genitricis Mariae fabricata consistit, à cujus liminibus venerabiles Beati Antonii Parentes non longè manentes, felicem hunc in primo juventutis flore genuerunt. Nomenque ei Ferdinandus in sacro Baptismatis lavacro imponentes, in eadem postmodum Ecclesia educandum pariter tradunt, & literis imbutum.

Quare dicitur Padvanus, & non Ulyssipponensis?

R. Quia Padva vitam suam Divinis plenam miraculis à majori duxit, ibique gloriosè finivit.

Qua-

Quare Deus locum istum propter insignia S. Antonii merita plurimis glorificavit miraculis, & in prodigium totius mundi præ cæteris terra partibus, clariorem effecit honore. Item quia gloriosum ejus corpus ibidem in Ecclesia Fratrum Minorum Francisci Seraphici, gloriâ miraculorum effulget.

Quare è Religione S. Augustini se transtulit in Religionem S. Francisci?

R. Postquam primorum quinque Sanctorum Martyrum Religionis Seraphicæ, videlicet: Berardi, Petri, Adjuti, Accursii, & Othonis, corpora (quos ipse S. Franciscus Seraphicus miserat inter Saracenos, ibique martyrium passi sunt) Marochiâ Conimbricam transferrentur, charitas Dei diffusa in corde S. Antonii, in tantum excitavit ad desiderium mar-

tyrii, ut seponens omnem cordis levitatem, cogebatur planè relicta Religione Augustiniana, transire in Seraphicam. Ubi Deus gratiarum Dominus non externam, sed internam martyrii palmam Servo suo Seraphino concessit.

Quare scribuntur cum S. Antonio Liber, Infans, Piscis, Monstrantia, & genuflexus mulus?

LIBER.

R. Liber à Sancto hoc Seraphico gestatur in signum altissima scientia, & sapientia, quibus ut aurora rutilans effulsit. Item: Quia Romæ coram summo Pontifice ex merito S. Obedientia tam prodigiosè predicabat, ut diversissimæ Gentes, lingua ejus licet expertes, quasi nativâ uniuscujusq; linguâ,

altissima Dei mysteria annuntiantem audiebant, & intelligebant. haud aliter, quàm de ipsis Christi discipulis legitur in actis Apost.

I N F A N S.

Infans in ejus depingitur manibus: 1. Quia Jესulum in specie infantis in ulnas accipere, & amorosè blandiri, atque dulcia ei figere oscula visus est. 2. Quia in hortulo Parentis sepultum infantem à mortuis suscitavit, de cujus homicidio iniquè accusatos Parentes Lysabona è captivitate liberavit. Quam Civitatem insuetò adivit miraculò, nam eadem nocte quâ illuc venerat, Divinâ portante grantiâ, rediit in Padvam.

P I S C I S.

Piscis adjicitur 1. Quia cujusdam Institoris magnam summam pecu-

pecunia à pisce hianti ore absorptam prodigiosè restituit. 2. Dum in Hispania Civitate Ariminensi verbum Dei annuntiantem, & magno spiritus fervore prædicantem, ferales fidei Christiana hostes respuissent; venit extra Civitatem ad littus Maris, ubi laudem Dei Altissimi commemorantem, ex abisso Maris diversi generis pisces congregati, capita sua super aquam extollentes, quasi auditores fervidi, magna cum attentione audiebant. Quòd videntes multa super hunc Sanctum tantis miraculis clarum blasphemantes heretici, plurimi amplexati sunt fidem Catholicam.

L I L I U M.

Lilium in manu ejus dextera scribitur, in signum puritatis Angelicæ, quâ corpore, & animâ ra-

diosus effulsit. quod utique commemorat lilium candidum.

MONSTRANTIA.

Monstrantia sacris ejus depingitur manibus, & coram flectens Mulus, quia dum in Civitate Ariminensi quidam sceleratus fidei Christiana hostis, presentiam Sacratissimi Corporis, & preciosissimi Sanguinis Christi in sacra hostia negaret; Mulus ille coram V. Sacramento, à S. Antonio allato procidit in terram, & relicto pabulo, summa cum veneratione professusest veram, & realem Christi presentiam in Sacramento, & in confusionem illius hæretici, ut Creatorem adoravit. Ex quo plurimi lumine vera fidei illuminati, Christi fidelibus annumerati sunt.

Quan-

Quando mortuus?

R. Post Christum natum Annò
 1231. die 13. Junii die Veneris.
 vitæ suæ annorum 36. dilectus hic
 Dei servus gloriosè migravit è
 vita, postquam vitam duxisset in
 domo Paterna 15. annis, Conim-
 bria ad S. Crucem 9. annis, tan-
 dem in S. Religione Seraphici S.
 Francisci 10. annis. Cujus per me-
 rita, & intercessionem Benigni-
 tas Divina omnes totius mundi
 partes claris glorificat miraculis.

RESPONSORIUM

In miraculorum S. Antonii
 memoriam à S. Bonaventura
 compositum.

SI quæris miracula; mors, er-
 ror, calamitas, dæmon, le-
 pra fugiunt, ægri surgunt sani.

Pereunt pericula, cessat & ne-
 cessi-

cessitas: narrent hi qui sentiunt,
dicant Padvani.

Cedunt mare, vincula, mem-
bra: résque perditas petunt, &
accipiunt juvenes, & cani.

Gloria Patri, & Filio, & Spi-
ritui Sancto. Cedunt mare, &c.

℣. Ora pro nobis S. Antoni,
℞. Ut digni efficiamur pro-
missionibus Christi.

Oremus.

ECclesiam tuam Deus beati An-
tonii Confessoris tui depreca-
tio votiva lætificet, ut spirituali-
bus semper muniatur auxiliis, &
gaudiis perfrui mereatur æternis.
Per Dominum nostrum, &c.

*Responsorium præcedens
in forma Orationis.*

Mitissime, ac Clementissime
Deus, qui facis miracula
magna solus, ac mirabilis es in
San-

Sanctis electis tuis, quibus prodigiorum clementiam communicas, eorumque intercessionibus clementer exaudis; ego indigna tua, ac nunc afflicta creatura in hac necessitate mea. N. ad clementiæ tuæ thronum provolutus accedo, laudans, ac magnificans tuam immensam gratiam, quam dilecto, ac beato famulo tuo Antonio Patrono meo gratioso conferre, ac omnibus ad ejusdem patrocinium confugientibus, incessanter impertiri dignaris; dum mors, error, calamitas, dæmon, lepra fugiunt, ægri surgunt sani; periclitantibus in mari, aut aquis subsidium; captivis liberatio; debilibus, & læsis membra, & bona, seu res perditæ restituntur, ac omne periculum, & necessitas perit, & cessat: narrat hæc,

& prædicat, non illa solùm ab hoc Beato glorificata Civitas Padavana, sed & omni cum gratiarum actione innumerabiles confitentur exauditæ animæ: cum omnibus itaque creaturis, glorifico, & laudo tuam, ô potentissime Deus Pater, sapientissime Deus Fili, benignissime Deus Spiritus Sancte, inaccessiblelem misericordiam, & bonitatem! humillimè orans, & obsecrans, & per intercessionem Sancti Antonii Confessoris tui, in hac aliisque necessitatibus meis hodie, ac semper me clementissimè exaudire digneris; hoc tu mihi impetres, ô electe, & dilecte Patrone Antoni!

Amen.



Bre-

Brevis declaratio Responsorii
S. ANTONII
 D. E. P. A. D. V. A.

Responsorium hoc, à Sera-
 phico Doctore S. Bona-
 ventura, compositum es-
 se (Benevole Lector) nemo dubi-
 tabit, occasionem eidem dante solen-
 nissima Translatione gloriosissimi
 Corporis S. Antonii. Cùm enim is,
 dicto Translationis tempore Paduæ
 esset: Tumba, Cryptæve, in qua
 duobus jam supra triginta annis,
 sanctissima illæ Reliquiæ conserva-
 bantur, eidem, tanquam Genera-
 li pro tunc Ordinis Ministro, ape-
 rienda oblata est. Et ecce resoluta
 in cineres reliquo corpore, lingua
 incorrupta, ab omnique pallore
 mortis illæsa, imò quasi vitam spi-
 rans reperta est, quam manibus
 C S sub-

sublatam pius Generalis Bonaventura, venerabundus exosculatus est, atque scaturientibus, præ teneritudine affectuum, lacrymabundisque oculis in hac amoris plenissima verba erupit: O Lingva benedicta, quæ Dominum semper benedixisti, & alios benedicere fecisti! nunc manifestè apparet, quanti meriti exististi apud Deū. His dictis, iteratis eandem veneratus est osculis, utque speciali impostherum inclusa reliquiario asservetur, demandavit. Dictu vix possibile, quanto ex tunc amore cor, erga hunc Sanctum exarserit. Cùm enim miraculorum ejus famam, in dies percrebrescere audiret, experireturque, hoc unicum dies nō desque animo revolvebat, quonam fieri posset modo, ut tanti Sancti prerogativas, brevi verbo-

borum inclusas compendio, universo venerandas exhibere valeret Orbi.

Dum igitur, velut Divino afflatus Spiritu, quadam die se totum S. Antonii laudibus scribendis tradit; Ecce quòd humano adumbrare nititur sermone, pòne Divinâ exprimit eloquentiâ, subnectumque componit Responsorium.

Si quæris miracula: mors, error, calamitas, dæmon, lepra fugiunt, ægri surgunt sani, cedunt mare, vincula, membra, resque perditas, petunt, & accipiunt, juvenes, & cani: Pereunt pericula, cessat & necessitas, narrent hi qui sentiunt, dicant Padvani.

Responsorium hoc, magnæ (meritò) & admirationi, & devotioni debet esse omnibus. Non solùm quia à tanto Sancto, & Ecclesiæ Doctore, magis Divina inspiratione, quàm investigatione huma-

na compositum, verum etiam, quia paucis verbis, continet, demonstrat, atque epilogat omnes favores, & gratias, quas Deus S. Antonio Padvano concessit, ad subveniendum, succurrendum, atque opitulandum omnibus iis, qui eum devotè, & cum fiducia invocaverint. Porro, ut fervor, & devotio tua (Amice Lector) erga hunc Sanctum magis accendatur, breviter singula membra prædicti Responsorii declarabo, & miraculis ab eodem Sancto in vita pariter ac post mortem patratis comprobabo.

Si ergo scire cupis favores, & beneficia ab omnipotentis dextera, per merita hujus Sancti, eis collata, qui devotè, & cum fiducia ipsius auxilium imploravêre. Scias, per eum mortuos esse resu-
sci-

scitatos; errores, detectos; calamitates, fugatas; dæmones, profligatos; leprosos, mundatos; ægrotos, seu infirmos sanatos; cæcos, illuminatos; claudos, erectos; tempestates maris, tranquillatas; Carceratos, liberatos; catenas, & vincula, rupta; pericula, sedata; mutis, loquelam, & surdis, auditum restitutum; denique necessitates, victas, atque superatas. Ex quibus facile colligere possumus, S. Antonium, Divinæ misericordiæ Instrumentum, atq; magnum temporum nostrorum Thaumaturgum esse: Verùm, ne quis hæc in dubium revocare, & falsitatis arguere præsumat, ea, quæ præallegata sunt, exemplis miraculorum, à Deo, per merita hujus Sancti patratorem, singula elucidare, atq; pro majori conso-

latione Clientum S. Antonii comprobare aggrediar.

M O R S.

HOc est primum membrum prædicti Responsorii. Quantum mors S. Antonio succumbat, testis est Civitas Ulyssipponensis, in qua Nepotem suum *Parisium* nomine, marinis submersum undis, resuscitavit. Testis Padva, ubi cui-dam puellæ in fluvio Brenta submersæ, vitam restituit. Testis Regina Leonis Hispaniarum, cujus filiam annorum ætatis II. triduanam mortuam, ad vitam revocavit. Pari modo Aldegundem filiam Regis Lusitaniæ, & Reginae Theresiæ, à mortuis suscitavit. Denique ut innumera alia, quæ in medium adduci possent, missa faciam. Annô 1517. Infantem trium

um annorum resuscitavit. Vide
nunc (*devote Lector*) quantum
Mors per S. Antonium fugetur.

E R R O R.

Parens S. Antonii, certam pecuniam cuidam consignaverat, nullâ superinde acceptâ Syngraphâ, quare successu temporis ad tribunal citatus, ad iteratam ejusdem summæ solutionem damnatur, cùmque nesciret quibus modis factam solutionem Creditori suo persuadere debeat. S. Antonius miro modo rem totam aperit, Creditorémque super accepta pecunia reddit certum, atque contentum. Idem Parens Sancti, ad mortem codemnatuſ erat, eò quòd de juvene quodam interempto infamatus esset, cùmque jam ad furcam duceretur, Deus servo suo, Padvæ Evange-

lii prædicationi vacanti, rem totam, quisque sit Parentis sui status, revelat. Acceptâ revelatione, S. Antonius in spiritu, *Ulyssipponam* translatus, justitiæ executores sistere jubet, occisum juvenem in conspectu omnium resuscitat, qui rei veritatem manifestat, suoque testimoniô innocentiam Parentis S. Antonii detegit: atq; sic S. Antonius Parentem suum ab infami supplicio, & morte liberat. Quis ergo negabit errores à S. Antonio dissipari?

CALAMITAS.

Quid potest esse toto Orbe *demencia*, seu *insania*, calamitosius? Nec ipse Redemptor noster legitur aliquem hâc calamitate vexatum sanasse. Multorum tamen scripta testantur, Gloriosissimum S. Antonium, per plu-

res, sanæ menti restituisse. Omnium loco fit unus. Ille inquam unus, qui ipsum prædicantem non parum turbabat. Præcinctus hic cingulô, quô Sanctus præcingebatur, illico ab insania liberatur. Præterea: An non jam toti ferme Orbi notissimum est, miraculum illud, *Neapoli*, tempore Ducis de Alva Proregis illius Regni, factum? Ad mortem condemnaverat is, hominem quendam innocentem, uxoratum: quem, cum afflictissima Conjux, nullo modo liberare valeret, ad Sanctum (quem venerabatur, atque colebat) recurrit Antonium, eadem miserandum suum recommendans statum. Interea, veluti Divino stimulata instinctu, amicum quendam adit, libellumque supplicem formari jubet: quo ac-

cepto, protinus Ecclesiam S. Laurentii petit, atque super Altare S. Antonii infra mappam, suum collocat supplicem libellum, magna eidem Sancto cum fiducia supplicans, ut Proregi prædictum transmittat libellum pro gratia Marito suo obtinenda. Vix modicum intercedit tempus, & ecce voti sui compos facta est. Sanctus enim Antonius Proregem accessit, libellum porrexit, & partes condemnati egit. Prorex sententiam mutavit, libellum supplicem subscripsit, hominemque morti adjudicatum, supplicio absolvit. Interrogatus post hæc Prorex à nonnullis, quid esset, quòd citra suam consuetudinem tam subito sententiam mutasset? Respondit: venisse ad eum monachum quendam de familia S. Francisci,

cujus postulatis pro captivi abso-
lutione factis, non potuisse se non
annuere. Factum hoc postea, mu-
lier prædicta uti re ipsa erat, evul-
gavit, & singulare S. Antonii
patrocinium cunctis manifestissi-
mum reddidit. En, quomodo S.
Antonio Calamitates subduntur.

D. Æ M O N.

IN Regno Portugalliæ, seu Lu-
sitaniæ ad Villam Santaren,
moderante eo tempore dicti Re-
gni Gubernacula, Rege Don Do-
nis; liberavit Sanctus hic, à dæ-
mone, mulierem quandam vilis
quidem conditionis, sed erga se
multum devotam. Justa Dei cor-
reptione, energumena facta hæc
mulier, tentabatur à diabolo, ut
se se occideret si salvari vellet, sæ-
pius ad facilius persuadendum
hoc malum, eidem in forma Cru-

cifixi apparens. Sanctus ergo Antonius, filiam sibi devotam periclitari non finit; sed à diabolica infestatione eam liberat; idque, per appositionem schedulæ; ad dorsum ejus, cum his expressis verbis subscriptis: *Ecce Crucem Domini fugite partes adversæ; Vicit Leo de Tribu Juda Radix David.*

Homo quidam, Negromantarum inductus sermonibus, ad occultarum rerum notitiam explorandam, circulum ingreditur: sed vix primo pede imposito, ecce pluri dæmonum eidem occurrunt, à quibus non parum territus; mox oculis, & lingvâ privatur. Sed subitò ad S. Antonium confugiens, oculorum pariter & lingvæ beneficium, patrociniò Sancti recuperat. Ecce fugientes dæmones ad invocationem nominis S. Antonii.

LEPRA.

Miles hæreticus, obviam fit leproso cuidam, ad sepulchrum S. Antonii eò votò prope-
ranti; ut per intercessionem S. Antonii à morbo lepræ liberari possit. Cui miles illudendo: perge inquit, & si tuus Antonius ab hac tua infirmitate te liberaverit, paratus sum in me eam assumere. Nihil his retentus leprofus, ad sepulchrum accedit, optatamque recuperat sanitatem. Miles verò totus leprofus factus, suum agnovit errorem, atque facti poenitens, veniam à Deo humillimè petiit, lepramque protinus simul cum hæresi exiit. Si ergo quæris miracula; ecce, *Mors, Error, Calamitas: Demon, Lepra* fugiunt.

Ægrî

Ægri surgunt sani,

INfirmi quacunq̄ue tandem ægritudine pressi. per intercessionem S. Antonii liberati sunt. Horum ferè infinitus est numerus. Sed ad rei probationem paucos duntaxat adducam. Padvæ Juvenem quendam Henricum nomine, à tumore colli, vulgò, struma, liberavit.

Monialis quædam Ordinis S. Claræ non infimæ sanctitatis, frequenter instabat apud Deum, ut pro sua mortificatione, adhuc in hac vita pœnas purgatorii sibi degustare liceret: sic voti compos. At cùm tantos dolores, debita cum patientia tollerare non valeret; per intercessionem S. Antonii liberata est. Quàm verè itaque per intercessionem S. Antonii ægri surgant sani, hinc sàt abundè colligere potes. Ce-

Cedunt mare.

IN maximis tempeſtatibus maris, Glorioſus S. Antonius de Padua viſus eſt immobilis ſupra undas ſtare, eaſdémque tranquilare, ſedaréve, nautas animare, atq; cingulô ſuô triremes ad optatum portum attrahere. Quæ omnia, *Maris* erga S. Antonium ſubjectionem manifeſtè indicant, & probant.

V I N C U L A.

Mulier quædam crudeliter à Marito tractabatur, nam præter adulteria, quæ is committebat, ubi domum revertebatur, panis, & vini loco, injuriis, & verberibus eam ſaturabat. Quare in ultimam adducta deſperationem, quadam die funem trabi cubiculi applicat, atque eô laqueum ſibi parat mox collo imponen-

nendum, suspendiô tandem miseram vitam finitura. Cùmque in procinctu operis esset, magna festinatione fores pulsari audit, ingressúmque quamprimùm sollicitari; quare abscondito laqueo, ad aperiendam januam currit, & ecce duo Franciscani adsunt, hospitium pro nocte postulantes: interrogati quinam essent, Responderunt se esse, Franciscum, & Antonium, ex Ordine Minorum. Respondet ad hæc mulier, se pro devotione, quâ Sanctos Franciscum, & Antonium prosequitur, libenter eos recepturam, sicque à malo proposito se suspendendi, liberatur. Sancti autem, maritum mulieris acriter reprehendunt, severéque objurgant. Qui agnito peccato, meliorem se extunc Deo, & Conjugi exhibuit.

Pro-

Procul ergo inde absunt vincula,
& laquei, ubi S. Antonii viget
protectio.

M E M B R A.

NOn finè magna impietate,
Matrem propriam quispiam
calce impetierat, quod facinus S.
Antonio confessus, ab eodémque
graviter objurgatus, tanto dolo-
re cordis tactus est, ut in pœnam
facinoris, pedem illum sibi ampu-
taverit: sed eundem iterum re-
staurat Antonius, pristinaeque re-
stituit incolumitati. Præter hunc,
novem supra decem, alios, varia
membrorum ægritudine laboran-
tes: Quinque item milites para-
liticos curavit. Quinque alios,
quibus spinæ dorsi erant disrup-
tæ, sanavit; sex cœcos illumi-
navit. Tribus surdis auditum, &
totidem mutis, loquelam resti-
tuit.

tuit. Duos apoplexiâ tactos. Innumerósque alios; variis, iisque periculofissimis ab infirmitatibus liberavit, Sanctus hic Thaumaturgus. Apage ergo, quisquis afferis membra mutila, & manca, precibus, & Patrociniô S. Antonii Padvani, pristinae integritati restitui non posse.

RESQUE perditas petunt, & accipiunt juvenes, & cani.

A Deò in hoc effusa (ne dicam, prodiga) est, S. Antonii Beneficentia, ut rerum perditarum repertio, peculiari jure, ipsi soli adscribatur. Sed ne longiori sermone limites brevitatis transcendam, rem totam unò saltem exemplò comprobabo, & rei veritatem confirmabo.

Viro cuidam nobilitate conspicuo

cuo in Mari naviganti, annulus magni pretii, casu in undas exciderat, cumque nesciret ubi rem perdidisset, servitorem suum ad Conventum Fratrum S. P. Francisci mittit, piscemque non contemnendæ magnitudinis (quem in foro emerat) Fratribus transmittit, rogando eos, ut pro reparatione annuli Responsorium S. Antonii orarent. Dumque in orando Responsorio Fratres occupantur, cocus piscem exenterat, & ecce annulum visceribus ejus inclusum reperit, & Fratribus monstrat. Qui omnes, summis Deo gratias actis, per eundem servitorem, annulum Nobili remiserunt. En quomodo, per merita hujus Sancti, res perditæ, petuntur, & accipiuntur.

Pereunt pericula.

OMnis illic periculorum vis restringitur, ubi singularis S. Antonii viget devotio. In magno sanè periculo versabatur mulier illa, quæ (*ut supra dictum est*) ad inferendam sibi necem tentabatur.

In pari, imò majori periculo versabatur novitius ille, quem ad egressum è religione dæmon sollicitabat: Quid enim periculosius, quàm relicto securissimo Religio-
sæ vitæ portu, fatalibus mundi fluctibus involvi? hoc tamen tantum periculum, vel solo halitu S. Antonius dissipavit. Nonne ergo ad invocationem S. Antonii, pereunt pericula?

Cessat & necessitas.

Quamvis à non cessando, su-
am

am necessitas desumere videatur nuncupationem, novit tamen & hæc, ad Antoniani nominis invocationem, vel invita cessare. Suo nos experimento doceat Foemina illa, quæ cum aliquando vini penuriâ laboraret, ad S. Antonium (quem peculiari cultu venerabatur) recurrit, ejusque ope, vas plenum vino deprehendit.

Vitreum quoque poculum, quod in duas erat fractum partes, per merita hujus Sancti, pristina restitutum integritati recepit. Ito ergo, & nega si potes, per merita S. Antonii necessitatem cessare.

Narrent hi, qui sentiunt.

NArrent, imò festivis ubiq; decantent laudibus, favores & gratias, à Deo, per merita S. Antonii concessas, narrent inquam omnes ii, qui manifestissimum ha-

buerunt (& in dies habent) multiplicium favorum, & gratiarum experimentum. Narret perfidus ille hæreticus, qui ad illudendum Sanctum, se oculis finxit privatum. Manifestet mulus ille famelicus, qui post triduanam inediam, ad adorandam in manibus S. Antonii Venerabilem Eucharistiam, relicto pabulo accurrit. Disserrant pisces, atque volucres illæ, quæ non sinè manifestissima perfidissimorum hæreticorum confusione, ad auscultandos sermones S. Antonii, catervatim convenère. Res ipsæ insensatæ fateantur. Narrent palmites illi siccissimi, qui igni ad conburendum appositi, pro clariore miraculorum S. Antonii comprobatione, momentò quasi: in duorum hæreticorum manibus, folia, uvæque maturas produxère. Di-

Dicant Padvani.

ILLI inquam Padvani, qui continua devotione, miraculosissimi Thaumaturgici hujus Sancti tumbæ assistunt, eandem quotidie intuentur, imò manibus at-
 trectant. Dicant, & narrent miracula, atque prodigia S. Antonii, felices illi Padvani, qui quotidie experiuntur favores, & beneficia illa, quæ Clementissimus Deus, largissimâ manu, omnibus elargitur ad gloriosissimum illud sepulchrum, ubi Sancti hujus sanctissimi Cineres requiescunt. *Vide de his, Opusculum Bernardini Scalapini de Savona, Italico idiomate, Paduæ apud Petrum Lucianum Anno 1652. impressum.*

Item, cui hæc fusiùs videre placuerit, legat *Surium Tom. 3. Elians*

*liam de Cortona, & I. partem
Chronic. Frat. Min. Lib. 5. à su-
pradicto Authore citatos. Vide
etiam Liliun Antonianum, Au-
thore A. R. P. Francisco Stadfeld
Ord. Min. strict. Obs. idiomate
Germanico. Vienna impressum
apud Matthæum Riccium, 1657.*

AD hujus ergo tanti, tamque
Amirabilis *Thaumaturgici San-
cti* cultum, quantum possum, te
exhortor *Benevole Lector*, certissi-
méque tibi promittere ausim, te
per merita Sancti hujus, non so-
lùm peccatorum veniam obten-
tutum, verùm etiam, superatis
caducæ hujus vitæ miseriis, æter-
næ foelicitatis gaudia consecutu-
rum. Nemo enim dubitat, in Au-
lis terrenorum Principum, eorum
aulicorum intercessionem effica-
ciorem esse, qui virtutum suarum
præ-

præstantiâ, majorem sunt merito-
rum cumulum consecuti. Cujus
ergo virtutis, cujus efficaciam, cu-
jusq; momenti dicemus esse apud
Deum, S. Antonii Padvani inter-
cessionem, quem omnium San-
ctorum prærogativis scimus esse
dotatum?

Virginem fuisse, testatur incon-
taminatissimus pudicitiam flos.

Confessorem denotat, summum
fidei Christianam, non tantum pro-
pagandam, sed & (per manifestissi-
ma vitæ discrimina) defendendam
studium.

Martyrem, ardens pro Christo
moriendi desiderium, atque au-
sterissima vivendi ratio.

Apostolum in clamant, varia
lingvarum genera.

Prophetam indicant, prædicta
duobus Martyria; aliis verò varia

Divinae munificentiae beneficia.

Ad te nunc me converto O Sancte Antoni! clarissimum Lusitaniae Sydus. Nova Italiae stella. Asylum tutissimum, ad te cum fiducia recurrentium. Esto omnium eorum protector, atque apud Deum intercessor assiduus, qui supplices, atq; in genua provoluti, tuum implorant auxilium, tuam flagitant opem, tuam sollicitant intercessionem, Amen, Amen, fiat, fiat.

PRECATIUNCULÆ
XII.

Quarum quaelibet unam in inserto Responsorio gratiam, tam quoad literam, quam moralem sensum continet; possuntque omnes, aut singule pro ratione statim recitari.

I. *Mors.*

O Martyr desiderio invictissime, S. Antoni! per flagrantem

tem cordis tui fervorem, quô sanguinem, vitamque pro honore Jesu Christi profundere continuò anhelabas, te invoco, ut intercedas pro N. N. omnibûsq; Christi fidelibus defunctis: méque etiam non tantùm ab improbia mala morte corporis, sed vel maxime à pessima morte peccati custodire, mihi que, ac omnibus agonizantibus in hora mortis assistere digneris. *Pater noster, &c. Ave Maria, &c.*

II. Error.

O Doctor optime S. Antoni! qui omnibus verbô & exemplô, viam veritatis, & æternæ vitæ demonstrâsti; te oro suppliciter, ut mihi, omnibûsque Catholicis, in Orthodoxa fide perseverantiam, & incredulis, ac hæreticis, veræ fidei agnitionem

apud Deum impetres, itinerantibus, aut à via aberrantibus Dux itineris existas; Judices, Advocatos, & Superiores in justitiæ, & officiorum administratione errare non finas: méque in omnibus actionibus, ne à vero, & bono aberrerem. *Pater noster. Ave Maria.*

III. Calamitas.

O Consolator benignissime S. Antoni! qui neminem ad tua præsidia confugientem, desolatam dimittis; te rogo humillimè, ut mihi in hac mea præsentis N. omnique alia calamitate, & afflictione, assistas: me ab impatientia, pusillanimitate, aut desperatione, præserve: atque ab omnibus Christianis conjugibus spiritum zelotypiæ, & discordiarum, repellas. *Pater noster. Ave Maria.*

IV.

IV. *Dæmon.*

O Amator ferventissime Domini nostri Jesu Christi S. Antoni! qui flamma Divinæ charitatis, omnia ignita diaboli jacula consumens, inimicum devincis; custodi, & protege animam, corpusque meum ab omni infestatione, tentatione, dolô, ac læsione sathanæ, non mihi noceant præstigiae, venena, aut maleficia quævis; depellas ab hoc, & ab omni loco phantasmata, aut quidquid fidelium quieti invidet: dissipetiam bella, discordias, & rancorem inter Christianos. *Pater noster. Ave Maria.*

V. *Lepra.*

O Prædicator zelosissime S. Antoni, qui peccatorum omnium conversionem anxie quæsisisti! te interpello devotissimè,

corpus meum ab omni macula, lepra, vulnere, & epidemia; animam verò ab omni peccati mortalis infectione, & reatu conserves, omnémque peccandi occasionem, & conivertitudinem, à me amoveas. *Pater noster. Ave Maria.*

VI. *Ægri.*

O Thaumaturgice S. Antoni! per te Dei optimi semper effulsit omnipotentia; quare anxietuum pro me N. & omnibus ægrotis precor subsidium, sana nos, animamque, & corpus corrobora, ad honorem Dei. *Pater noster. Ave Maria.*

VII. *Mare.*

O Dux itineris fidelissime S. Antoni! tibi Deus maris, ac ventorum concessit potestatem; quare instanter rogo, tubvenire digneris omnibus in mari, aut aqua-

aquarum periculis constitutis: removeasque à nobis, nostrisque locis, omnem aquarum inundationem, & tempestatem. *Pater noster. Ave Maria.*

VIII. Vincula.

O Confessor egregie S. Antoni! qui vincula animarum, corporumque, per poenitentiam solvere indefessis Concionibus, ac admonitionibus tuis enixè studuisti; absolve, ac consolare captivos, omnesque injuriarum patientes; & eos præcipuè Christianos, qui sub immani paganorum jugo detinentur, aut in periculo animæ inter hæreticos veriantur: assistere digneris etiam omnibus ad mortem condemnatis. *Pater noster. Ave Maria.*

IX. Membra.

O Virgo integerrime S. Antoni!

ni! tu meruisti tuis, ac virgineis brachiis constringere Jesum benedictum Dei Filium; invoco itaque te, ut membra mea sana mihi conserves; & auxiliaris omnibus locis, surdis, mutis, claudis, aut membrorum usu destitutis, sicuti & podagræ dolores patientibus; conserva etiam corpus mysticum Ecclesiæ, & Regnorum, ut in capitibus vigeat Deo accepta gubernatio, à membris verò & subditis, debita fervetur obedientia. *Pater noster. Ave Maria.*

X. *Res perditæ.*

O Religiose perfectissime S. Antoni! qui omnia emolumenta hujus mundi contempnisti, ut Christum lucrifaceres; adjuvame, ut res & bona mea, sive nominis famam, seu officii statum, vel dignitatem, seu amicitiam, præ-

præcipuè verò summi Dei gratiam deperditam, recipere merear.

Pater noster. Ave Maria.

XI. *Pericula.*

O Auxiliator sincerissime S. Antoni! qui apud dilectum tuum Jesum omnia vales; tuum invoco supplex auxilium, & præsidium, in omni animæ, corporisque periculo: custodi me ab omnibus visibilibus, ac invisibilibus inimicis, à fulgure, & tempestate, aut quidquid animæ, corporique meo damnum inferre potest. *Pater noster. Ave Maria.*

XII. *Necessitas.*

O Asylum securissimum S. Antoni! tua elucet mirificè gratia, quâ omnibus afflictis succurrere consuevisti; non itaque me derelinquas in necessitatibus meis, in paupertate, in penuria & egestate:

state: adjuva etiam & consolare viduas & pupillos, omnesque, qui ad te supplices in suis recurrunt ærumnis. *Pater noster. Ave Maria.*

Novena, vel Modus colendi S. Antonium de Padua per novem dies Martis.

Quanta misericors Deus quotidie per S. Antonium beneficia concedat, afflictis, id ipsum experiëntiã didicere ii, qui Piiſ obsequiis, & maximo frequentata per novem dies Martis devotione Beatissimum hunc Confessorem sibi devincere studuerunt.

Experta est ante omnes Bononiæ in Italia nobilis illa matrona, quæ Anno salutis 1617. Hac devotione, ipso sancto eam monente, primùm utens, gratiam obtinuit singularem. Hæc viginti jam duos Annos in matrimonio infœcunda, dum divo lachrymis, Precibusque frequentibus pro obtinenda
pro-

prole supplicat, in somnis eundem multo lumine coruscum videt, & sibi dicentem audit: Imaginem meã in Fratrum Minorum Ecclesia novem diebus Martis invisens, gratiam, quam petis, impetrabis. Paret Mulier, & concipit ex Marito, sed ille tot annis sterilem, nunc gravidam uxorem de adulterii crimine suspectam miserè habet; Interea accedente partû tempore, parit Mulier monstrum potiùs quàm hominem. Sed ô rem omnibus retro sæculis in auditam! dum monstrum hoc fasciis involutum, & ad altare S. Antonii delatum pia mater eidem devotissimis precibus commendat, primò infantis cujusdam vox auditur, ex fasciis cum monstro depositis, & hisce mox explicatis formosa proles reperta est, cujus rei fama dum Italiam pervagatur devotioni huic, quã per novem Martis dies S. Antonius colitur, initium dedit. Unde nunc christianorum quàm plurimi, ut ab imminentium, vel etiam præsentium miseriarum acerbitate liberentur, aut

bene-

beneficium aliquod cùm corporale, tum spirituale, impetrent, tam salutari vacent devotioni.

Vis & tu benevole lector à sancto Vi-
ro auxilium in tribulatione? novem die-
bus Martis altare, aut imaginem ejus in
templo Franciscanorum invise, Offici-
um ejus Majus, vel minus, Litanias
aut unam vel alteram ex orationibus
supra positis, vel sequentibus prout de-
votio tibi suggererit, recita, & quàm
Gloriosus sit in sancto suo Deus, Expe-
rieris: Ut verò facilius patrocinate Di-
vo, clementiam Numinis tibi concilies,
Confessio svadetur, & Communio
ad minus in principio, mediò, & fine,
& quoties gravioris delicti ream invene-
ris conscientiam.

O R A T I O

*Quà S. Antonius in Patronum
eligitur.*

S. Antoni, gloriose Dei amice,
ego NN. te hodie in Dominum,
Patronum & advocatum eligo,
fir-

firmiterque statuo ac propono, me nunquam te derelicturum, neque contra te aliquid unquam dicturum, aut facturum; neque permissurum, ut à meis subditis aliquid contra tuum honorem unquam agatur. Obsecro te igitur, suscipe me in servum perpetuum; adsis mihi in omnibus actionibus meis, nec me deferas in hora mortis meæ. Amen.

Oratio Dum novenam quis incipit.

Patrone mi gloriosissime, ò S. Antoni Padvane! ad majorem Omnipotentis Dei gloriam, & Beatissimæ Virginis Jesu Genitricis Mariæ hanc gratissimam Deo prolem novem mensium spatio in Virgineo utero portantis: nec non ad novem Angelorum agminum laudem, & debitam tui venerationem ego, clientum tuorum infusus

ho-

die incipio, & continuare propono devotionem illam per novem dies Martis frequentandam, cujus tu ipse auctor es, qui matronam tibi in necessitate supplicantem tot diebus in Ecclesia Franciscanorum aram & imaginem tuam invisere jussisti. Quapropter intentioni, quam id ipsum jubens habuisti, meam jungens, veneror te, imò in te veneror eum, qui mirabilis Deus in Sanctis suis, perpetuis illustravit te miraculorum splendoribus. Tu igitur, ô inclyte Dei Amice me famulum tuum benignè respice, & suscipe devotionem in te meam: pro me verò impende intercessionem tuam apud Deum plurimum valituram. Impetra quælo, mihi omnium veniam delictorum; & ut in futurum peccatis abstinens Deo

fer-

ferviam fidelius, gratiam, quæ me confortet, & in bono conservet.

Obtine mihi etiam membrorum corporis sanitatem, si ita expediat sanitati, & salutis mentis meæ, custodi me ab omni hoste visibili, & invisibili: ab omnibus periculis & calamitatibus: & adsis mihi nunc in hac necessitate mea, quam nôsti; (hic ex pone vel ore vel mente necessitatem tuam; vel id, quod obtinere desideras) propter quam hac novem dierum devotione tibi supplicare intendo. Tu Sancte Pater, & protector mi, scis quid mihi expediat. Adjura ergo me, & si expediat me jam exaudiri, impetrem per te beneficium hoc, quod obtinere desidero.

Clementissime Jesu, S. Antonium pro me deprecantem exaudi;

di; ut dum novendiali hac devotione te in illo mirabilem veneror ejus intercedentibus meritis ea, quæ suppliciter peto, efficaciter merear obtinere. Qui vivis, & regnas Deus in æternum. Amen.

O R A T I O

Durante Novena.

Sub tuum præsidium cum firma fiducia confugio in necessitatibus meis; ô coniolator afflictorum, S. Antoni Padvane; quoniam te scio libenter subvenire omnibus devotis devota mente auxilium tuum implorantibus. Veneror, ô S. Antoni, & invoco te toto corde. Ne quæso, finas me à te recedere solatio destitutum, cum apud te tot fideles animæ impetrant feliciter, quæ petivere fideliter.

O sancte Antoni! veni quæso,
in

in adjutorium mihi, adjuva me
in necessitate mea, & da mihi
(*exprime saltem mente, quod pe-
tis: quod ad animi quietem sum-
mè necessarium nôiti*) Exaudi
me, advocate fidelissime, & à
Domino Jesu ingentem illam
quam peto gratiam, obtine; ut
hoc recreatus solatio, ut recepta
mentis quiete, alacriùs curram
viam mandatorum Dei mei.

Dulcissime Jesu, cum profun-
dissima humilitate supplex proci-
do ad pedes tuos, & per merita
S. Antonii te obtestor, ut hoc
quod humiliter peto, mihi indul-
geas, si ad majorem tui nominis
gloriam, & animæ meæ salutem e-
venturum prævideas, quid mihi ex-
pediat, tu bone Jesu icis: quare
pro tua clementia, & mea indigen-
tia mihi succurre, ut hic in tran-
E qui-

litate Spiritûs tibi serviam, & demùm te, qui sanctorum tuorum es merces incomparabilis, perfruas in æternum. Amen.

Alia O R A T I O.

ADjutor in tribulationibus, quæ invenerunt nos nimis, Domine Jesu Christe, ecce venio ad te, ut impetrem auxilium pro necessitate, in qua nôsti me esse constitutum. Sed quia preces meæ non sunt dignæ, quæ Divinæ Majestati tuæ admoveantur auditui, quem Advocatum apud te precariò conduxì, pro me intercedentem benignè exaudias. O bone Jesu! nihil famulis tuis adhuc in hac miseriarum valle negasti, jam tecum regnantibus in cœlo quid non concedes? ergò intercedat pro me S. Antonius, ut non mea demerita, sed ejus respicias me-

merita, & auxilium, quod sup-
plex peto, propitius largiaris.

O advocate mi fidelissime S.
Antoni! cui Dominus noster Je-
sus Christus omnes, quas huma-
na patitur infirmitas, necessitates
subjecit; & singulari privilegio
afflictis succurrendi condecora-
vit; auxilium tuum mihi impen-
de in necessitate mea; pro qua
intercede pro me apud eundem
Dominum nostrum Jesum Chri-
stum. Amen.

Alia.

ECce nunc denuò ad te venio
S. Antoni, auxilium tuum
imploraturus in necessitate mea,
ex qua, te mihi apud Dominum
Deum patrocinate, liberari de-
sidero. Et quando tandem exau-
dies quotidie ad te clamantem fa-
mulum tuum? quando consolaba-
be-

beris me, qui succurris omnibus ad te confugientibus? ô S. Antoni, ne derelinquas me!

Per singulares (quibus Deus omnipotens etiam in mortali hac vita te condecoravit) gratias: per illam, quam dedit miseris succurrendi virtutem: per clarissimam, quam animæ tuæ, consumato vitæ mortalis decursu, contulit gloriæ coronam; obsecro te, respice me pedibus tuis prostratum, & auxilium (quod humili corde postulo) largiri ne differas. O Patrone mi, Antoni dilectissime!

O R A T I O

Ad Jesum, & S. Antonium, cum quis experitur se nondum exauditum.

AD Dominum cum tribularer, clamavi; sed peccatis meis ita exigentibus, nondum exaudivit

vit me. O Domine Jesu! usquequo clamabo, & non exaudies? vociferabor ad te, & non salvabis?

Ad te etiam ô S. Antoni clama-
vi, & tuam intercessionem implo-
ravi ad sublevandam necessitatem
meam; sed justô Dei me castigant-
is judiciô gratiam, quam tot pe-
tivi votis, nondum merui obti-
nere.

O bone Jesu! doleo, quòd
unquam offenderim te, qui es
summum bonum, quod desidero!
O mi Jesu! da veniam poenitenti,
cum gratia declinandi à malo, &
perseverandi in bono, firmiter
enim jam propono ampliùs non
peccare, ne peccando separer à
te. O bone Jesu! adjuva inten-
tionem meam, qui perspectam
habes imbecillitatem.

O S. Antoni, his suspiriis meis & precibus, heu nimum imbecillis! efficacem tuam junge intercessionem: tunc enim facilius exoptatam consequar in necessitate gratiam, si obtentâ tuis meritis peccatorum veniâ, Jesum Patrem optimum accedam purâ conscientiâ. O Jesu suavissime, misere mei, & exaudi me!

Gratiarum actio post obtentam gratiam.

AD Dominum cum tribularer, clamavi, & exaudivit me, te ô suavissime mœrentium consolator S. Antoni, pro me intercedente apud Patrem misericordiarum, qui placidum semper precibus tuis præstat auditum. Verè nunc scio expertus, quòd nullus Deo frustra supplicet, qui supplicat per Antonium.

O S. Antoni, quàm es benignè me consolatus, dum te juvante obtinui, quod rogavi! ex intimo corde pro omnibus beneficiis unquam mihi, & nunc præfertim exhibitis, gratias ago, agamque semper quoad vixero, & in servum me tibi perpetuum dedico. Eja S. Antoni, suscipe me in servum, & sub te duce, Domino meo Jesu Christo servire volentem, doce me facere, quod Divinæ acceptum noveris Majestati.

Clementissime Jesu, qui Sanctorum tuorum es corona, quibus qui servit, servit tibi: quos qui glorificat, te glorificat: glorifico te in sancto Confessore tuo Antonio, quo patrocinate exaudisti, & consolatus es me, tribuens clementer, quæ postulavi fideliter. Superadde etiam hanc

bone Jesu, gratiam, ut in mortalis decursu vitæ fidei obsequio tibi serviens, hoc tandem absoluto, audire merear: Serve bone, & fidelis, intra in gaudium Domini tui. Fiat ô bone Jesu! Añ.

O R A T I O

Absoluta Novena.

ECce! quibus potui laudibus te profecutus sum, S. Antoni Padvane, advocate mi fidelissime! devotionem, te auctore, novem diebus Martis continuatam frequentavi: quæ tibi grata fore arbitrabar, perfeci: propositum (*votum*) persolvi. Et quanvis eô, quô par fuit, non fuerim usus fervore, tamen spero tibi, qui perspectam habes imbecillitatem meam, acceptam fore pietatem, propter quam etiam exaudies me, & dabis mihi peti-
tio-

tionem cordis mei (*si te auditum sentis, dic*) Exaudisti me, & dedisti mihi petitionem cordis mei, pro quo tibi, quas possum gratias ago.

Et nunc ô S. Antoni, obsecro te, ut de cætero adsis mihi in omnibus necessitatibus præsentibus, & futuris, & obtineas mihi gratiam, quâ confortatus in bono, declinem à malo; Deum & Dominum nostrum Jesum Christum diligam, illi serviam, & demum illô perfruar in æternitate beata. Amen.

Pater noster. Ave Maria.

N O V E M

Breves Orationes, quæ ad impetrandam singulari gratiam, per mysteria vitæ S. Antonii recitari poterunt.

I.

Gloriosissime S. Pater Antoni,
E 5 cla-

clarum Sanctarum Literarum per Hispaniam Lumen, ac verum afflictarum animarum Asylum; inclina obsecro benignissimas aures tuas, ad humillimas preces meas, animæque meæ, apud Altissimum gratiam impetrare digneris, idque precor per innocentissimam pueritiam tuam. *Pater noster. Ave M.*

II.

GLoriosissime S. Pater Antoni, gloria Prædicatorum, virtutum fundator, acerrimæque vitiorum reprehensor: te supplex rogo, ut mihi pientissimi pectoris tui viscera repandas, impetrando à Domino Deo nostro gratiæ subsidium, quâ illud impetrem, quod in hac mea necessitate devotus postulo: idque precor per annos istos, quibus in Ordine S. Augustini, laudabiliter es con-
ver-

versatus. *Pater noster, Ave Maria.*

III.

Gloriosissime S. Pater Antoni, sal terræ, & lucerna mundi supra candelabrum Ecclesiæ collocata; civitas supra montem contemplationis posita; invoco te humillimè, ut subintrent in conspectu benignissimæ charitatis tuæ, afflictæ cordis mei suspiria, impetrésque à Deo desiderii mei exauditionem, & progressum: idque precor per annos istos, quos sanctissimè in Ordine Seraphici Patris nostri Francisci transegisti.

Pater noster. Ave Maria.

IV.

Gloriosissime S. Pater Antoni, sanctissimæ Angelorum Reginae addictissime Famule, cum hac coelorum Imperatricæ apud dilectissimum Filium ejus pro me

intercedere, mihi que impetrare digneris peccatorum meorum veniam, Divinaeque gratiae augmentum, & auxilium in omnibus necessitatibus meis: idque precor per incomparabilem illam cordis tui laetitiam, qua suffundebaris, dum in brachiis tuis commoraretur suavissimus Puerulus JESUS. *Pater noster. Ave Maria.*

V.

GLoriosissime S. Pater Antoni, Orphanorum, ac pupillorum Pater, foecundissima pro corde sterili gratiae coelestis pluvia, & sanctae orationis ferventissime amator; rogo te humiliter, ut me quamvis indignum, in servum tuum recipere, mihi que in omni spirituali, ac corporali necessitate succurrere digneris, impetran-
do

do mihi à Deo nostro vivam fidem, quâ merear exaudiri: idq; precor per plurima illa, quæ in hoc mundo operatus es miracula. *Pater noster. Ave Maria.*

VI.

GLoriosissime S. Pater Antoni, fortis pœnitentiæ columna, securum contra tentationes scutum, & certa ignorantium via; obsecro te, ne despicias justa desideria, & postulationes meas; verum participem me facias bonorum fructuum, & virtutum sanctissimæ animæ tuæ, obtinendo à Deo nostro per communicationem pretiosissimi sanguinis sui, ut spes mea ad optatum pertingat portum: idque precor per sacratissimam mortem tuam. *Pater noster. Ave Maria.*

VII.

Gloriosissime S. Pater Antoni,
 nova lux Italiæ, nobile de-
 positum Urbis Padvanæ, Gallia-
 rum instructor, universale Christi
 fidelium animarum solatium, tu-
 um imploro patrocinium: impe-
 trare digneris apud Altissimum in-
 tellectui meo veram fidem, animæ
 meæ ferventem charitatem, fir-
 mam cordi meo spem, quæ non
 confundat. Idque precor per so-
 lennem illam animæ beatæ tuæ in-
 coelestia regna susceptionem.

Pater noster. Ave Maria.

VIII.

Gloriosissime S. Pater Antoni,
 vivum professorum Evange-
 lii exemplar, dulcis infirmorum
 consolatio, ac omnium afflicto-
 rum, aut tentatorum refugium.
 Te enixè rogo, ne obliviscaris in-

timor

timorum cordis mei suspiriorum, sicut non oblitus es lacrymarum afflicti, & innocentis ad mortem condemnati Patris tui, atque animæ meæ subsidium impetra Divinae gratiæ, quâ merear experiri in omnibus justis meis petitionibus Altissimi favorem, & exauditionem: idque precor per eximiam lætitiâ, quæ inter te, ac Seraphicum Patrem nostrum Franciscum intercessit, dum vos reperiretis simul in cælo. *Pater noster. Ave Maria.*

IX.

Gloriosissime S. Pater Antoni, clare Divinarum literarum splendor, vigilantissime castitatis, ac puritatis zelator, amantissime S. Crucis Alumne. Te invoco suppliciter, ut mihi in hora mortis meæ assistas, meque defendas ab
in-

infernali inimico; ut tunc confortata anima mea, ore, ac corde benedicat Deum meum. Nunc obtine mihi pro reliquo vitæ meæ tempore, misericordiæ Divinæ subsidium; ut cognoscant in me omnes gentes immensam Dei bonitatem, ac glorificent ex me Nomen sanctum ejus. Idque precor per ineffabile illud gaudium, quô replebatur sancta anima tua, dum se æternæ conspexit insertam beatitudini, ubi facie ad faciem contemplatur Dei essentiam, & majestatem. *Pater noster. Ave Maria.*

ORATIO ad S. Antonium.

O Sancte Antoni! candidum, & suavissimum virginitatis liliū, gemma pretiosa paupertatis, abstinentiæ speculum, forma puritatis, sanctitatis splendidi-

dissima stella, paradisi pulchritudo, columna sanctæ Ecclesiæ, prædicator gratiæ, vitiorum extirpator, seminator virtutum, consolator afflictorum, ardentissima Divinæ charitatis, & amoris flamma, clarum sydus Hispaniæ, nova lux Italiæ, resplendens astrum Padvæ, æmule Seraphici Patris tui Francisci, pacis, & unitatis amator, mundanæ vanitatis contemptor, sacre catholicæ fidei lumen, Martyr desiderio, gloriose hæreticorum triumphator, thaumaturge prodigiorum operator, refugium securissimum omnium ad te confugientium.

Tu, ô S. Antoni! meruisti tuis sanctis brachiis constringere Filium Dei altissimi: tu ardentissimis tuis concionibus accendisti in peccatorum mentibus Divinæ cha-

charitatis flammam. Ego itaque miser peccator enixè te rogo, ut me in tuum suscipias patrocinium, & mihi impetres de peccatis veram contritionem, humilem mei ipsius agnitionem, lacrymarum donum, piam in orationibus attentionem, abstinentiam à malo, sanctæque contemplationis exercitium. Et tu cum sis ardentissimi Divini amoris flamma, cor meum frigidum, & tepidum, igne charitatis Dei ita accende; ut meipsum, mundum, carnem, & diabolum semper despiciam. An.

S E P T E M D E V O T Æ

Cõtemplationes super vitam gloriosæ S. Antonii de Padua, distributa per septem Hebdomadis dies.

D I E D O M I N I C A.

S. Antonius in decimo quinto ætatis anno, spreto mundo, Religiosus efficitur.

OMnipotens, & æterne Deus!
Principium. finè principio,
& infinitus Finis omnium rerum,
qui ineuntem famuli tui Antonii
juventutem, vivaci illustrâsti ra-
diô illius lucis, quæ est perfectio
animæ, per quam gratiam obti-
nuit præcavendi præcipites sen-
sualium voluptatum voragines;
tu inquam fons misericordiarum
indeficiens dulcissime Domine
Deus, mihi per gratiam tuam
concede, ut tepida, & frigida
anima mea, obruta turbidâ aquâ
delectationum carnis, obfuscata
densis infinitorum peccatorum te-
nebris, seducta vano splendore
terrenarum deliciarum; figat tan-
dem oculos suos, in incompre-
hensibilem pulchritudinem tuam,
& illuminata Divini tui amoris
radiô, clarè agnoscat omnem hu-
jus

jus mundi pulchritudinem, omniâque bona, meram esse tantum umbram tuæ, tanquam summi veri boni formositatis, adeòq; omne quod ipsam à te separare posset, fugiat, & despiciat, téq; solum firmissima fide, & serenissima charitate quærat, & amet: effunde ô benignissime Domine super cor meum aridum, torrentem dulcissimi superni nectaris! quô Seraphicus amator tuus Antonius perfusus contempsit omnem mundi voluptatem, ita, ut illô inebriata anima mea, in te se totam transformet, in te solo conquiescat, & te super omnia solum desideret; fiat, fiat. *Pater noster, &c.*

D I E L U N Æ.

S. Antonius ex fervido Martyrii desiderio Seraphicum Ordinem ingreditur.

Increa-

INcreate Creator, verum bonum,
& incomprehensibilis ipsa bonitas, & perfectio omnium rerum
Deus! indigna ego creatura tua,
ardentissimè desiderans manifesta-
re tibi veram agnitionem meam,
infinite mihi à liberalissima
bonitate tua, concessorum bono-
rum, maximè verò, quòd pretio-
sum tuum effundere dignatus es
sanguinem, ut amplissimum cul-
parum mearum debitum, in libro
tuæ justitiæ descriptum deleres;
agnosco autem indignitatem me-
am, unde non immeritò vereor,
& mihi timeo, adeòque apud in-
finitam misericordiam tuam, in
meum eligo advocatum dilectum
famulum tuum Antonium, in cu-
jus corde tam fervidum excitasti
Martyrii desiderium, ut actuali
sanguinis effusione coëquari pos-
se

se videretur. Te benignissime Deus, per ardentissimam illam famuli tui Antonii charitatem, quâ supernè succensus tam diu, continuò moriens sentiebat Martyrium, quamdiu vivens, intimè pro te unicâ spe suâ mori cupiebat; accende in frigida anima mea ignem tui amoris, & fac, ut tota ardeat desiderio pro te copiosè fundendi sanguinem, quò respersa, mundetur ab omni peccatorum macula: da, ut in corde meo tam clara imprimantur contritionis, & doloris vestigia, ut iis tanquam veris characteribus conspiciatur intensio pœnitentiæ meæ, & satisfiat, hoc meo spirituali Martyriò, Divinæ justitiæ tuæ, Amen. *Pater noster, &c.*

DIE

DIE MARTIS.

S. Antonius petit, & obtinet à Superioribus, solitariè vivendi veniam.

Gloriosissime S. Pater Antoni, Divini amoris igne inflammate Seraphim, qui recognoscens in hoc infelici vitæ statu nullam esse meliorem societatem, quàm animum in se bene compositum; desiderasti, ac obtinuisti facultatem solitariè vivendi, ut solitudo, tanquam fida contemplationis ministra, & securum cogitationum refugium, in anima tua tranquillum supernarum deliciarum exstrueret Paradisum; unde tu separatus ab omnibus hominibus, Angelorum fruebaris conversatione; abalienatus à creaturis, appropinquabas Creatori, cælorumque incola factus, etiam hic in hac miseriarum valle præ-

præguftabas incomprehenfibile
gaudium, quô perfruuntur in cœ-
lis Beati. Ecce ego ad te S. Anto-
ni recurro, téque invoco, ut cùm
in confpectu fummî Dei compa-
rens, follicitabis expeditionem il-
lorum supplicum libellorum,
quos per te Divinæ Majestati tui
offerunt clientes: impetres mife-
ræ animæ meæ anguftiatæ à pas-
fionibus, obfessæ à vitiis, & pro-
stratæ à concupifcentiis, dulcem
illam folitudinem, in qua exuta
terrenis gaudiis, vestiatur spiri-
tualibus ornamentis, felicique à
fe transitu, ad fuum fe erigat
Creatorem, cum ipfo folo con-
verfetur, ipsique familiaris effe-
ctâ, per tuam interceffionem ad-
difcat, in tali folitudine optimam
effe focietatem, cognoicâtque
quòd gaudia, & deliciæ terrenæ
mo-

moriendo nascantur, & nascendo evanescant; unde ab ipsis me separans, omnia mea desideria dirigam ad illud verum summum bonum, in quo solo acquiescit anima mea, sicque merear post mortem tecum frui cœlesti beatitudine. Amen. *Pater noster, &c.*

D I E M E R C U R I.

S. Antonius diu abscondit profundam suam Doctrinam, quæ Dei mirabili providentiâ manifestatur.

O Sancte Antoni! lucerna splendidissima Spiritûs Sancti, qui sub candido innocentiae velo, humillimè diu abscondisti profundam tuam, non humanò studiò acquisitam, sed ab infinita Dei sapientia infusam animæ tuæ doctrinam; nec illam manifestare voluisti, quoad usque veluti lucidissima fax, cœlesti, & Divinæ

gratiæ igne succensa, felici incendiô inflammaret plurium corda. Ah Advocate mi fidelissime! ab incomparabili tui, meique dulcissimi Domini bonitate impetra mihi, ut vel unica scintilla Divini luminis animam meam succendat, ut ardeat amore, & illuminata cœlesti gratiâ, unicè suum desideret, & requirat principium. Intercede pro me, ut de nulla in me forsan reperta virtute me jactem, vel vanam sentiam gloriam; sed abnegando me ipsum, omnémque propriam voluntatem taliter in oculis meis vilescam, ut tui imitator & asscla, me ipsum nihil reputem, veræque ac profundæ studeam humilitati, & optem, ac quæram tantummodo magnus fieri coram Domino, ejusque placere oculis,

lis, cui gloria est in sæculorum
 sæcula, Amen. *Pater noster, &c.*

D I E J O V I S.

*S. Antonius omnes maligni illu-
 siones agnoscebat, illudensque fugabat.*

O Infnitæ, & æternæ sapien-
 tiæ dulcissime Jesu! qui ani-
 mam dilecti famuli tui Antonii,
 tam copiosâ Divini luminis tui
 gratiâ illustrâsti, ut omnes satha-
 næ fallaces illusiones ipsi essent
 manifestæ. Concede mihi be-
 nignissime Domine, per omnes
 pios & fructuosos Patroni mei
 in tuo servitio exantlatos labo-
 res, ut sublevem cordis mei ocu-
 los ad te verum animæ Lumen,
 quô illustratus & accensus pel-
 lam frigiditatem me ambientem;
 & detractô velô, oculis mei in-
 tlectûs, ab inimicis meis impo-
 sito, discernam, & clarè agno-
 scam

scam infidias positas animæ meæ:
 nec me sinam decipi fallacibus
 apparentium voluptatum dele-
 ctamentis; quæ aliud non sunt,
 nisi umbræ fugaces, larvæ noctur-
 næ, & fumus citò evanescens.
 Aperi ô Domine oculos meos!
 ut præcipitia inferni tecta sensua-
 lium deliciarum floribus conspi-
 ciam, nec abducar à sancta ope-
 ratione virtutum, quæ præcunte
 tuæ gratiæ lumine demonstrant
 veram beatæ æternitatis viam,
 ad quam me per tuam infinitam
 misericordiam pervenire conce-
 das, Amen. *Pater noster, &c.*

DIE VENERIS.

*S. Antonius, mirò in Orationibus
 fervore clarebat.*

Fidelissime Advocate mi, An-
 toni beatissime, clarissimum
 sanctitatis speculum; tibi ab in-
 de-

deficiente æternæ benignitatis fonte, tanta cœlestium Orationum copia communicata fuit, ut Divina justitia cederet precibus tuis, unde tibi tantum semper concedebatur, quantum charitate Dei ardens postulabas; oritâque te, per plenitudinem gratiæ tibi à liberalissima munificentiâ Supremi Monarchæ concessæ, ut ab infinita ipsius bonitate, mihi impetres eum in oratione mea fervorem, & efficaciam, ut dirigantur, sicut incensum in conspectu Dei, & suavi odore fiant manifesta desideria mea, quibus solummodo cupio uniri cum Domino Deo meo; quia præter & extra ipsum, nullum agnosco gaudium, quô recreari; nullum thesaurum, quô ditari; nullum honorem, quô eminere; nullum

fulcrum, quô sustentari; nec vitam, quâ vivere cupiam: merear itaque nunc, & semper exaudiri, Amen. *Pater noster, &c.*

S A B B A T O.

*S. Antonius familiarissimè conversatur cum Divinissimo Puerulo
J E S U.*

O Antoni simplicissima & intaminata Columba! qui puritate innocentiae tuæ nitidissimo candore, ardentissimo amore, ac intemerata virginitate tua te similem reddere studuisti Agnello illi immaculato, qui de purissima Virgine nasci dignatus est, & meruisti, ut ipse te suavissima amoris exhibitione complecteretur, dulcissimus inquam, Puerulus Jesus; à quo ea teneritudine tractatus fuisti, ut in immenso quasi pelago dulcedinis submersus,

sus, & supra humanæ naturæ conditionem exaltatus experire-
ris in anima tua infinitæ suavita-
tis Paradisum, & raptus jucun-
dissima extasi fruereris illô jubi-
lô, qui omnis amaritudinis est
condimentum, factûsque Ange-
lorum confrater prægustares hic
in terra plenitudinem gaudii Cœ-
lestis. O quàm grande supremæ
suavitatis diluvium irrigabat ani-
mam tuam! cùm dilectissimus Je-
sus infantilibus suis brachiis
(quæ totum creant, & con-
servant Universum) stringeret
tanquam pretioso monili, & tor-
que collum tuum; ita ut tantam
ipsius contemplando pulchritu-
dinem & benignitatem, inebria-
tus cœlesti beatitate, vix discer-
neres, si in terram cœlum, aut
cœlum in terram transformatum

esset. O Advocate mi singularissime! quando ita dulciter complecteris suavissimum Jesulum, recommends eidem amore languentem hanc animam meam pauperculam; & impetra, ut ipsam ab omni peccatorum sordibus ita immaculatam & mundam conservare valeam, quatenus amore & amplexu Jesuli nostri digna reddi mereatur, Amen.

Pater noster, Ave Maria.

Quicumque S. Antonium de Padua pro singulari Patrono habere, Deumque imprimis colere desiderat; quotidie præter Commune illius Responsorium, tres Genustationes coram venerabili altaris Sacramento, vel alibi locorum, illud sibi imaginando, sequenti formâ peragat: sciâtque se exaudiendum, nisi aliquid contra Dei honorem, & anime sue salutem petierit.

GENUFLEXIO I.

O Sanctissima & super benedicta Trinitas! coram Sacrosancto Sacramento veri Corporis & Sangvinis Jesu Christi, me tibi prosterno in unione illius ardentissimæ charitatis, quâ S. Antonium ad æternam visionis tuæ beatitudinem elegisti, & ante mundi constitutionem in eo tibi complacuisti, perenniterque in illo jucundaris. * Propter hoc ô magne Deus! sit tibi benedictio, claritas, sapientia, gratiarum actio, virtus & fortitudo à me, & omnibus creaturis tuis in cœlo, & in terra, & sub terra, in sæculorum sæcula, Amen.

Pro omnibus donis & gratiis S. Antonii in tempore & æternitate collatis. Pater noster, Ave Maria. Stando.

GENUFLEXIO II.

O Sanctissima Trinitas! pro-
 sterno me tibi in unione il-
 lius magnæ charitatis, quâ S.
 Antonius tuum cor cum Deitatis
 tuæ omnipotentia ad se traxit,
 ut per hanc immensæ pietatis tuæ
 abundantiam, cœlestium dono-
 rum charismata exorare & elar-
 giri valeat, quibus tua Divina
 gloria quotidie augetur, & S.
 Antonius celebratur. * Propter
 hoc ô magne Deus, &c. *ut supra.*
Pater noster, Ave Maria. stando.

GENUFLEXIO III.

O Sanctissima Trinitas! hâc
 Genuflexione in cœlo & in
 terra satisfacere tibi desidero pro
 omnibus iis, quæ S. Antonius
 pro debita honoris tui & fidei
 exigentia, ex humanæ carnis fra-
 gili-

gilitate exequi non potuit: idque in unione illius summæ devotionis, charitatis, & humilitatis, quibus hoc ipsum facturus esset, si adhuc in terris degeret, eamque cognitionem haberet, quâ in Coelis modo refulget. * Propter hoc &c. *ut supra. Pater noster. Ave Maria. stando.*

Oremus.

O Mī dulcissime Patrone S. Antoni! in unione dulcissimi cordis Domini nostri JESU Christi, in quo omnia sui corporis vulnera passus est, & quod aperiri voluit, te deprecor, ut te mihi exhibeas, quantus coram Divino aspectu sis, meque spei meæ participem facias in hac tribulatione mea N. ut cum omnibus qui te in necessitatibus suis invocant, læto corde exclamare

valeam: in S. Antonio fidei ser-
vo verè vivit & regnat Deus, per
omnia sæcula sæculorum, Amen.

O Sanctissime Antoni! in æter-
num laudetur benedicta lingua
tua, quæ semper Deum benedi-
xit, & eum benedicere fecit ;
quod miraculosè apparet, quan-
ti apud Deum meriti fueris ; quo-
niam illa post triginta & duos
annos ab obitu suo elapsos, tota
rubicunda & recens inventa est,
& Patavii hodierna adhuc die
videri potest.

Devota Oratio ad S. Antonium.

Salve ô electe mi, apud Divi-
nam Majestatem Advocate S.
Antoni Padvane! salve, & boni-
tate consveta respice me in prin-
cipio hujus diei, te venerantem
& auxilium tuum implorantem ;
adsis mihi ô S. Antoni! ut quid-
quid

quid hodie agam, ad majorem Dei gloriam idipsum dirigatur: quapropter protege me contra tentationes inimici; nec permitte, ut tentationibus succumbens, malignâ delectatione, aut consensu peccem; potius te adjuvante tentationibus superatis in virtute proficiam, quô Deo, ac Domino placere valeam. Obsecro etiam ô S. Pater! ut ab omnibus mentis & corporis periculis illæsum conserves; nec finas confundi me, qui hac die omnipotenti DEO, benedictæ Virgini Mariæ, S. Josepho, tibi que, & omnibus SS. vivere & servire desidero.

Oremus.

INterveniat pro nobis quæsumus: Domine, Sanctissimus Confessor Antonius; quem virtutibus,

miraculorum prodigiis, & signis
decorâsti. Per Christum Domi-
num nostrum, Amen.

H Y M N U S

In Processione cantandus.

EN gratulemur hodie
Christo Regi jucundius,
In cujus aula gloriæ
Jam jubilat Antonius.
Francisci Patris æmulus,
Sic illi se contemperat,
Ut fonte manans rivulus,
Aguas vitæ circumferat.
Longè latèque diffluit,
Sitique mortis aridos
Verbo salutis imbuit,
Dans rore sacro vividos.
Hic stigmatum qui bajulo
Patri natus innititur,
Dum prædicat de titulo,
Confixus ille cernitur.

Sub

Sub tanto duce militans,
Vincendo se non vincitur,
Duci miles cohabitans,
Jam bellô non concutitur.
Nos in campo certaminis,
Patrum zelantes gloriam:
Hic sub re nostri nominis,
Vincamus ignominiam.
Præstet hoc Nati Genitor,
Hoc Genitoris Genitus,
Ac par utrique conditor
Paraclitus hoc Spiritus.
Amen.

ORATIONES

*Ad Patronas, & Patronos
Congregationis S. Antonii.*

HYMNUS

De Sancta Catharina Bononiensi.

O Catharina nobilis
Sancti Francisci filia,
Quæ

Quæ vitæ semper labilis,
 Falsa spreuisti gaudia:
 Ad sponsi Jesu nuptias
 Exemplô, verbis, opere,
 Plures traxisti filias
 Devotas sacro foedere.
 Vicisti carnis lubricum,
 Figuram mundi labilem,
 Et dæmonem falsidicum
 Ob zelum Jesu stabilem.
 Uni trinoque Domino
 Sit sempiterna gloria,
 Qui vitam finè termino.
 Nobis donet in patria. Amen.
 V. Ora pro nobis beata Catha-
 rina.
 R. Ut digni efficiamur promif-
 sionibus Christi.
Ant. Sponsa Jesu amabilis Ca-
 tharina Virgo, quæ nunc in æter-
 na patria sublimaris, almis tuis pre-
 cibus fac nos confortes cœlestium
 civium, quibus collætaris. *Ora-*

ORATIO.

COncede nos famulos tuos
Deus, beatæ Catharinæ Vir-
ginis suffragiis adjuvari, cujus
odore unguentorum trahimur ad
tua sancta lætantes. Per Domi-
num nostrum &c.

HYMNUS

De Sancta Catharina Senensi.

Ave Virgo Catharina
Corona castitatis,
Divini amoris nuntia,
Magistra Sanctitatis.
Caro, mundusque labilis
Est à te despiciatus,
Serpentis astus flabilis
Est per te profligatus.
Christi premens vestigia
Calcâsti vanitatem,
Mundi cavens præstigia
Patrisque levitatem.

A Spon-

A Sponso ter amabili
Miraculis ornaris,
Dum stigmatum mirabili
Nota, sic honoraris.
Lauro revinctam fulgida
Nunc exornant coronæ,
Nec sæclâ mundi turgida
Jam fatigant honore.
Quocunque tendis clangitur
Inter Virginum choros,
Hic nullus luctu tangitur,
Nam Jesus efficit lætos.
Nostras huic miserias,
Propone Virgo potens,
Æternas ut delitias
Conferat nobis clemens.
Te Catharina poscimus.
Esto Patrona Victrix,
Ut labe carens Spiritus
Noster, exeat felix.
Fac nos tecum collætari
In cœlesti gloria,

Te

Te cum Sanctis collaudare,
Inter mille gaudia. Amen.

Ÿ. Ora pro nobis S. Catharina.

℞. Ut digni efficiamur promissionibus Christi.

Antiph. Veni Sponsa Christi
accipe coronam, quam tibi Dominus
præparavit in æternum.

ORATIO.

DA quæsumus omnipotens
Deus, ut qui beatæ Catha-
rinæ Virginis tuæ natalitia colimus,
& annua solemnitate lætemur,
& tantæ virtutis proficiamus
exemplo. Per Dominum nostrum
Jesum Christum. &c.

LITANIÆ

Sanctæ Clare Virginis.

KYrie eleison. Christe eleison.

KYrie eleison.

Christe audi nos.

Christe exaudi nos.

Pa-

Pater de coelis Deus, miserere nobis.

Fili Redemptor mundi Deus, miserere nobis.

Spiritus Sancte Deus, miserere nobis.

Sancta Trinitas unus Deus, miserere nobis.

Sancta Maria,

Sancta Maria Regina Virginum,

Sancta Maria Virgo, & Virginum Mater,

Sancta Clara Virgo nobilissima,

Virgo dulcissima,

Virgo ardentissima,

Virgo pulcherrima,

Virgineum vas puritatis,

Virgo honorabilis,

Virgo admirabilis,

Virgo gratiosa,

Ora pro nobis.

Filia

Sancta Clara

Filia æterni luminis,
Sponsa Christi dulcissima,
Virgo Christi pauperrima,
Ærarium Spiritus Sancti,
Blandiens cum Angelis,
Filia Apostolorum,
Planta sancti Francisci,
Stella splendidissima,
Lux & exemplum nostrum,
Nata pauperibus,
Nardus electa,
Viola humillima,
Rosa odorifera,
Rosa dulcissima,
Rosa rubicunda,
Rosa aurea,
Rosa candidissima,
Rosa cœlestis,
Cedrus exaltata,
Columba argentea,
Columba purissima,
Gemma pretiosa,
Mater Solatii,

Ora pro nobis.

De-

Decor, & renovatio nostra, exaudi nos Sponsa Christi.

Defende nos Sponsa Christi.

A cæcitate mentis,

A vanitate, & negligentia,

Ab amore proprio,

A torpore animi, qui Christum non quærit,

A superbia & ambitione,

Propter Nativitatem pueri Jesu, ex qua tu à Domino singulare solatium obtinuisti,

Propter Paupertatem JESU Christi, & amarissimam ejus Passionem, cujus dolores Cor tuum penetrârunt,

Propter Passiones, & dolores, quos in mortificatione virginæ corporis tui sustinuisti,

Propter gloriosum Corpus Domini, qui te cum Sororibus tuis blandè consola-

Defende nos Sponsa Christi.

tus

tus est, & ab hæreticis custodivit,

Propter Sanctissimam Dei Genitricem, quæ te in agone vestitu Angelico exornavit, & cum cœtu sanctarum Virginum visitando consolata est,

Propter amorem dulcissimi Sponsi tui, qui te cœlesti gloria dignam fecit, & in terris multis miraculis clarificavit,

In hora mortis.

Sponsa Christi.

Nos miserrimi Peccatores. Te rogamus audi nos.

Ut in religione promptum animum stabilèmq; amorem tribuas. Te rogamus audi nos.

Ut nobis impetres, despiciendo mundum cum Christo adunari.

Te rogamus audi nos. Ut

Defende nos Sponsa Christi.

Ut qui in hoc loco te invocamus, & sequi desideramus, in regno charitatis animabus nostris æternam beatitudinem impetres,

Ut pro nobis intercedendo obtineas; ut veste nuptiali exornati, & ardentibus lampadibus collucentes, obviam Christo cum Virginibus prudentibus venire possimus,

Te rogamus audi nos.

Sancta Virgo Clara Mater amabilis audi nos te invocamus.

Sancta Virgo Clara, dulcis advocata nostra felicitate te laudantes.

Antiph. Salve Sponsa DEI, Virgo sacra, Planta Minorum, tu Vas munditiæ, tu prævia forma Sororum, Clara tuis precibus duc nos ad regna polorum.

Ÿ. Ora

Ÿ. Ora pro nobis S. Clara.

R. Ut digni efficiamur promissionibus Christi.

ORATIO.

FAmulos tuos quæsumus Domine, beatæ Virginis tuæ Claræ votiva natalitia recensentes, cœlestium gaudiorum sua facias interventione participes, & tui unigeniti cohæredes. Qui tecum vivit & regnat in unitate Spiritus S. Deus. Per omnia sæcula sæculorum, Amen.

MODUS EFFICAX.

*Faciendi novenas ad honorem
Sancti Petri de Alcantara.*

Illis qui volunt hoc sanctæ devotionis exercitium facere ad honorem Sancti Petri Alcantarani, suppetit duplex modus: primus eorum erit efficacissimus, & accomodus pro omni statu, ac conditione Personarum, cum

fit practicandus in die Festivo, nempe *Dominica*, & erit tanto plus accomodus, ac commodus, quantò certius ex præcepto Ecclesiæ quivis tenetur, & obligatur servilia opera intermittere. Sanctificare Festum diem, & in spiritualibus exercitiis, aliisque piis operibus consumere. Hinc faciendo istud sanctum exercitium, simul eodem tempore, satisfaciunt præcepto, quò obligantur; ac proinde impetrant patrocinium istius gloriosissimi Sancti, ut ipsemet Dominus noster *Jesus Christus* promiserat *S. Theresiæ* nullam fore negandam gratiam, quamcunque per merita, & intercessionem istius sui fidelissimi Famuli quis expetierit, his verbis: *Tam magna sunt merita Petri de Alcantara, & tantum possunt apud me, ut qualemcunque rem à me petiveris in ejus nomine, eam certissimè sis impetratura.* Lib. 3. cap. 11. & in Lib. 5. cap. 3.

Ubi Virgo discurrens de sublimitate meritorum hujus Sancti, dixit: *Se certò esse assecraturam, quod quicumque in suis*

suis

suis necessitatibus, & tribulationibus humiliter ad ipsum recurrerit, infallibiliter petitionis sue consecutus sit effectum. Hæc ipsa Verba leguntur cap. 27. in Vita S. Theresiæ. Cum ergo sis animatus, & affecuratus tantò testimoniò hujus Virginis, recurre quisquis es, fiducialiter ad tam potentem *Advocatum*, esto securus, & certus; quòd si feceris hoc exercitium, cum debita fide, & humilitate, & si illa gratia, quam requiris, concernat DEI gloriam, & spiritualem salutem tui ipsius petentis, certissimò consecutus sis, quicquid optas, ac desideras.

PRIMUS MODUS.

ITaque primus modus, & ordo exercendi hanc devotionem, erit talis. Nimirum: ante omnia alia, erit facienda exacta, & examinata Confessio propriorum peccatorum, ad hoc, ut quis se reddat magis capacem per istud sanctum medium consequendi intentum finem: Quia (ordinariè loquendo) Deus non exaudit Peccatores non confessos; & si poterit sacram Synaxim sumere non intermittat.

Jejunium non erit quidem necessarium: si tamen quis voluerit jejunare Sabbatho præcedente Dominicam, eodem modo: quomodo jejunare solemus in Vigiliis de Præcepto, præcedentibus Festa in diem Dominicam cadentia. Post hæc devotè visitabit istius Sancti Altare novem Dominicis, tali modo: prostratus humiliter ante Altare gloriosi istius Sancti quanta poterit devotione recitabit novies *Pater noster*, & toties *Ave Maria*, adjecto semper Versu: *Gloria Patri, &c.* Ita tamen, ut tribus vicibus *Responsorium Sancti* interponat hoc ordine: primò dicantur tria *Pater & Ave*, ac totidem *Gloria Patri, &c.* postea *Responsorium cum Oratione*, & sic fieri debet secunda, & tertia vice post quælibet tria *Pater & Ave*. Hæc offerat Deo, & humillimè roget, ut dignetur sibi desideratam gratiam concedere per ingentia merita istius sancti Servi, & per illum honorem, qui ex Divina dignatione in Sanctum resultat per hoc, quod omnes ipsius Actiones in ordine ad glorifica-

tio-

tionem contigerint in Dominica die, scilicet ex omnibus reliquis sola consecrata Divinæ Majestatis Cultui, ac observantiæ. Deinde mente sua se se ad ipsum gloriosum suum *Advocatum* convertet, eundem omni possibili Affectu supplicando, ut intercedat pro impetrando beneficio optato, ac desiderato, & hoc per illam ineffabilem gloriam, quâ nunc gaudet in cœlesti Patria, & per memoriam suæ felicissimæ mortis, quæ contigit die Dominico, cum assistentia SS. Trinitatis, & Deiparæ Virginis, ac S. Joannis Evangelistæ; & insuper per memoriam illius famosæ suæ sepulturæ, ac translationis celebratæ cum interventu plurimorum prodigiosorum miraculorum; tandem etiam per memoriam suæ solennis Canonizationis, quæ omnia facta sunt in die Dominica, quâ aliàs principalia nostræ Redemptionis Mysteria celebrantur.

SECUNDUS MODUS.

Posterior modus potest sic fieri, nempe: præcedant Confessio, & Cœnatio

nio, sicut supra in primo modo dictum
 est: deinde visitabit Altare sancti Petri,
 novem continuis diebus, ibique pro-
 stratus quotidie dicet novem *Pater &*
Ave totidemque *Gloria Patri, &c.* trina
 etiam vice interjecto Responsorio &
 modo, & ordine, quò prius assigna-
 tum est. Ac proinde quâ potest hu-
 militate hunc sanctum suum Patro-
 num, & Advocatum implorabit, ut si-
 bi à benedicto DEO impetret, quid-
 quid optat, ac desiderat, in virtute,
 & memoria illius Gloriæ, quâ nunc
 gaudet in Cœlis, & prout in commemo-
 ratione superioris modi adducta est.
 Illi verò, qui non possunt legere, vel
 memoriter addiscere *Responsorium*, di-
 cant solummodò *Pater & Ave*, ac *Glo-*
ria Patri, &c. ut dictum est.

NB. Ubi verò Altare hujus Sancti
 haberi, & reperiri non potest, quod
 visitandum præscribitur; sufficiet una
 Imago ejusdem Sancti, coram qua præ-
 scriptam devotionem piè perficere, &
 optatam gratiam consequi poterit.

Quod

Quod si nec imaguncula habeatur, sufficiet ad consequendam gratiam desideratam pia intentio, & pius affectus.

RESPONSORIUM

S. Petri de Alcantara.

SI quæris miracula, ignis, grando, glacies, nix, procellæ, Spiritus, Petro parent venti. Cedunt mors, fors æmula, quæque morbi species, hostis fugit territus, adstat dum cadenti.

Celebrant oracula invocatus quoties, dona quod hic cœlitus, omni das petenti. Cedunt mors, fors æmula, quæque morbi species, hostis fugit territus, adstat dum cadenti.

Gloria Patri, & Filio, & Spiritui Sancto. Cedunt mors, fors æmula, quæque morbi species, hostis fugit territus, adstat dum cadenti.

Ÿ. Ora pro nobis beatissime Petre.

R. Ut digni efficiamur promissionibus Christi.

Oremus.

OMnipotens sempiterne Deus, qui per Sanctos tuos mirabilia semper operari dignaris, te humiliter exoramus, ut sicut per beatum Petrum de Alcantara peccantium preces ad votum exaudire misericorditer promisisti; sic nostras preces per ejusdem supplicationes audias, & salutarem super nos rorem tuæ benedictionis effundas, ut ab omnibus malis liberi, ad tuam misericordiam feliciter pervenire mereamur. Per Dominum nostrum Jesum Christum Filium tuum, qui tecum vivit & regnat, &c.

Re-

*Responsorium ex Breviario
sancti Petri de Alcantara.*

Domine Jesu Christe, cui sanctus Petrus adeo fideliter in vita sua servivit, ut in tempore iracundiæ fieret reconciliatio; exaudi propter eum preces nostras, & da nobis salutem animæ, & corporis.

Qui famulæ tuæ Theresiæ dixisti, te semper in Petri nomine petentes exauditurum. Exaudi propter eum preces nostras, & da nobis salutem animæ, & corporis.

Gloria Patri, & Filio, & Spiritui Sancto. Exaudi propter eum preces nostras, & da nobis salutem animæ, & corporis.

Ÿ. In omni tribulatione, & angustia nostra.

R. Succurre nobis B. Petre de Alcantara.

Oremus.

DEUS qui beatum Petrum Confessorem tuum admirabilis Pœnitentiæ, & altissimæ contemplationis munere illustrare dignatus es; concede propitius, ut ejus suffragantibus meritis, carne mortificati, cœlestium donorum participes fieri mereamur. Per Dominum nostrum &c.

Oratio devotissima ad sanctum Petrum de Alcantara.

O Gloriosissime Sancte, verè Fili magni Patris Francisci, ejusque morum fidelis Imitator, & virtutum: tibi gratulor, quòd meritis, & sanctis operationibus gravis, sinè transitu per Purgatorium, sicut fuit S. Theresiæ revelatum, immediatè post viæ, & vitæ terminum totus resplendens
in

in Coelum ascenderis, ubi per totam æternitatem gaudebis felicissimus, propter fructus tuæ temporalis fatigationis in illis sempiternis honoribus. Exulto insuper cordialissime cum omnibus tibi devotis, qui tuæ novæ Canonizationi factæ à Sancta Romana Catholica Ecclesia applaudunt eamque reverentur, & honorant; cum omnibus iis prostratus in terra humillime te precor, ut per omnia mihi impetres veram, & absolutam vitiorum, mundi, carnis, dæmonis, passionum indisciplinatarum, malarum etiam, ac inordinatarum inclinationum victoriam. Ah benedicte! qui tam dilectus, & gratus es Domino Jesu Christo, effice in virtute nominis, ac meritorum tuorum, ut Dominus mi-

hi concedat hanc gratiam N. N. insuper exaltationem Sanctæ Ecclesiæ Catholicæ, Christianorum Principum unionem, omnium Hæreticorum, & Infidelium extirpationem, sublevationem animarum Purgatorii, bonam & felicem agonizantibus viam, in hac vita sanctam pacem, & in altera æternam Gloriam, Amen.

M O D U S

CUM ADJUNCTIS PRECIBUS
SS. MISSÆ SACRIFICIUM

*Fructuosè, & piè audiendi per devotam
Passionis, ac mortis Jesu Christi
contemplationem.*

*Templum intraturus, dic cum
Regio Propheta. Psal. 5. v. 8.*

INtroibo in domum tuam, adorabo ad Templum sanctum tuum in timore tuo.

In

In ingressu accipe aquam benedictam, & aspergendo te, dic:

A Sperges me hyssopo, & mundabor, lavabis me, & super nivem dealbabor.

Quo finito devotè orabis flexis genibus, dicendo:

DEUS in adjutorium meum intende, Domine ad adjuvandum me festina. Gloria Patri, & Filio, & Spiritui Sancto, sicut erat in principio &c.

Veni sancte Spiritus, reple tuorum corda Fidelium, & tui amoris ignem in eis accende, qui per diversitatem lingvarum cunctarum gentes in unitate fidei congregasti.

℣. Emitte Spiritum tuum, & creabuntur.

℞. Et renovabis faciem terræ.

Oremus.

DEUS, qui corda Fidelium S. Spiritus illustratione docuisti; da nobis in eodem Spiritu recta sapere, & de ejus semper consolatione gaudere. Per Christum Dominum nostrum, Amen.

ORATIO

Quâ intentio fit audiendæ Missæ.

Domine Deus, ad cujus imaginem creatus sum, da mihi gratiam, ut imminente Sacrificio, quâ par est reverentiâ, & devotione intersim, illudque unâ cum Sacerdote Divinæ Majestati tuæ gratiosè offeram. I. Ad majorem Nominis tui honorem, & gloriam, cui soli hoc Sacrificium debetur. II. In memoriam Passionis, & Mortis tuæ, quam ad hujus Sacrificii usum fieri præcepisti.

sti. III. In gratiarum actionem pro omnibus mihi collatis beneficiis. IV. In satisfactionem omnium mearum culparum, ac pœnarum, quas sanctissimo Sangvini tuo in hoc Sacrificio immergo. V. Ad impetrandam gratiam tuam, & opem in re ista N. VI. Pro charissimis Parentibus, Amicis, & Benefactoribus meis, maximè istis: N. N. Pro Fidelibus defunctis, potissimum istis: N. N. Placeat tibi Domine hæc Intentio mea, & exaudi me. Per Christum Dominum nostrum, Amen.

Sacerdos ad Altare progreditur.

Christus ad orandum hortum ingreditur.

O R A T I O.

Domine Jesu Christe, Fili Dei vivi, qui pro me misero Peccatore, ante Passionem tuam tœdiô,

diô, & merore affectus es; da ut omnes angustiaë meæ, & animi dolores, amarissimæ Passioni tuæ conjunctæ, ad Nominis tui gloriam, & animæ meæ salutem, Amen.

Sacerdos inchoat Missam.

Christus incipit orare in horto.

O R A T I O.

Domine Jesu Christe, qui in oratione ab Angelo confortari voluisti, da, ut oranti mihi assistat Angelus tuus sanctus, qui me confortet, Amen.

Aut cum Sacerdote recita Psalmum 24.

Sacerdos. Introibo ad Altare Dei.

Minister. Ad Deum qui lætificat juventutem meam.

Sac. Judica me Deus, & discerne causam meam de gente
NON

non sancta, ab homine iniquo,
& doloso erue me.

Min. Quia tu es Deus fortitudo mea, quare me repulisti, & quare tristis incedo, dum affligit me inimicus.

Sac. Emitte lucem tuam, & veritatem tuam, ipsa me deduxerunt, & adduxerunt in montem sanctum tuum, & in tabernacula tua.

Min. Et introibo ad Altare Dei: ad Deum qui lætificat iuventutem meam.

Sac. Confitebor tibi in cythara Deus, Deus meus, quare tristis es anima mea, & quare conturbas me?

Min. Spera in Deo; quoniam adhuc confitebor illi salutare vultus mei, & Deus meus.

Sac. Gloria Patri, & Filio, & Spiritui Sancto.

Min.

Min. Sicut erat in principio,
& nunc, & semper, & in sæcu-
la sæculorum, Amen.

*Sacerdos dicens Confiteor: se
inclinat.*

Christus prostratus in terram
fangvinem fudat.

O R A T I O.

Domine JESU Christe, qui
orans in horto, & factus in
agonia, fangvinem fudasti; da,
ut recordatione Passionis tuæ la-
crymarum guttas pro sanguine
merear desudare, Amen.

*Hic poteris recitare etiam Con-
fiteor, &c.*

Sacerdos Altare osculatur.

Christus osculô à Juda traditur.

O R A T I O.

Domine JESU Christe, qui à
Juda osculo tradi pertulisti;
da mihi nullâ unquam fallaciâ
te

te tradere; quin potius & inimicis, officium amoris fideliter exhibere, Amen.

Sacerdos ad cornu Epistola progreditur.

Christus vincetus in plateis ducitur.

O R A T I O.

Domine Jesu Christe, qui manibus iniquorum ligari voluisti; solve peccata mea, tuisque: præceptis me sic adstringe, ut ad ea non laxer, quæ tuæ sunt contraria voluntati, Amen.

Sacerdos inchoat Missam.

Christus apud Annam patitur alapam.

O R A T I O.

Domine JESU Christe, qui tanquam malefactor vinculis arctè constrictus, ad Annam ductus, ibique acerbissimè alapis

cæ.

cæsus es; emunda ab omni peccato corpus, & animam meam, ut pro peccatis in hac vita confundar, Amen.

Sacerdos dicit Kyrie eleison.

Christus ad Caipham ducitur, ibique ter à Petro negatur.

O R A T I O.

Domine Jesu Christe, qui in domo Caiphæ à Principe tuorum Apostolorum ter negatus es, custodi me ab omni malo consortio, & ne permittas me unquam peccatis meis te negare, Amen.

Post Kyrie (si dicitur) dic cum Sacerdote concentum Angelicum, ut sequitur:

GLoria in excelsis Deo, & in terra pax hominibus bonæ voluntatis. Laudamus te, benedicimus te, adoramus te, glorifica-

ficamus te, gratias agimus tibi,
propter magnam Gloriam tuam.
Domine DEUS Rex cœlestis,
Deus Pater omnipotens. Domi-
ne Fili unigenite, Jesu Christe.
Domine Deus, Agnus Dei, Fi-
lius Patris. Qui tollis peccata
mundi, miserere nobis. Qui tol-
lis peccata mundi, suscipe depre-
cationem nostram. Qui sedes ad
dexteram Patris, miserere nobis.
Quoniam tu solus Sanctus, tu
solus Dominus, tu solus Altissi-
mus, Jesu Christe, cum S. Spi-
ritu in Gloria Dei Patris, Amen.

*Sacerdos versus ad populum di-
cit:* Dominus vobiscum.

Christus respiciens Petrum,
convertit.

O R A T I O.

Domine JESU Christe, qui
Petrum misericorditer respi-
ciens;

ciens ; eum propter gravia in te commissa peccata ad fletum amarissimum excitâsti, converte ad me misericordes tuos oculos, ut peccata mea defleam, & nunquam iis te offendam, Amen.

Sacerdos ad cornu Epistolæ progreditur.

Christus ad Pilatum ducitur, & accusatur.

O R A T I O.

Domine JESU Christe, qui ex amore erga miseros Peccatores, volens ad Pilatum ductus, ibique iniquè accusatus es, concede, ut omnem fraudis iniquitatem declinare, & calumniam patienter sufferre valeam, Amen.

Sacerdos ad medium Altaris regreditur.

Christus ad Herodem ducitur.

O R A-

O R A T I O.

Domine Jesu Christe, qui iniquam Hærodis calumniam patienter sustulisti, fac me omnem humanum despiciere respectum, & nullam in hominibus quærere gloriam, Amen.

Sacerdos legit Evangelium.

Christus reducitur ad Pilatum.

O R A T I O.

Domine Jesu Christe, qui remissus ab Herode ad Pilatum, per hoc eos reconciliari voluisti; da mihi malevolorum conspirationes non timere, sed per eas tibi magis conformari, Amen.

Post Evangelium sæpiùs dicitur Professio Concilii Nicæni, quæ hic sequitur:

Credo in unum DEUM, Patrem omnipotentem, factorem

rem cœli & terræ, visibilium omnium, & invisibilium. Et in unum Dominum Jesum Christum Filium DEI Unigenitum, & ex Patre natum ante omnia sæcula, Deum de Deo, lumen de lumine, Deum verum de Deo vero, genitum non factum, consubstantialem Patri, per quem omnia facta sunt. Qui propter nos homines, & propter nostram salutem descendit de cœlis. Et incarnatus est de Spiritu sancto, ex Maria Virgine. Et homo factus est. Crucifixus etiam pro nobis, sub Pontio Pilato passus & sepultus est. Et resurrexit tertia die iecundum Scripturas. Et ascendit in cœlum, sedet ad dexteram Patris. Et iterum venturus est cum gloria judicare vivos & mortuos: cujus regni non erit finis. Et in
Spi-

Spiritum sanctum Dominum, & vivificantem: qui ex Patre, Filioque procedit. Qui cum Patre, & Filio simul adoratur, & conglorificatur. Qui locutus est per Prophetas. Et unam sanctam Catholicam & Apostolicam Ecclesiam. Confiteor unum Baptisma in remissionem peccatorum. Et expecto resurrectionem mortuorum, & vitam venturi sæculi. Amen.

Sacerdos calicem denudat.

Christus vestibus spoliatur.

O R A T I O.

Domine Jesu Christe, qui pro me ad flagella denudari voluisti; da mihi verà confessione veterem hominem exuere, & coram te virtutibus vestitum apparere. Amen.

Hostia, & Vinum offertur.

Christus apud Pilatum flagellatur.

H

Do-

O R A T I O.

Domine Jesu Christe, qui pro me ad columnam crudeliter flagellari voluisti; da correctionis tuæ flagella, me libenter suscipere, teque peccatis meis nunquam amplius flagellari. Amen.

Calix cooperitur.

Christus spinis coronatur.

O R A T I O.

Domine Jesu Christe, qui pro me spinis coronari voluisti; fac me spinis pœnitentiæ sic compungi, ut in cœlis à te merear coronari. Amen.

Sacerdos digitos abluit.

Pilatus manus lavat, & Christum innocentem proclamat.

O R A T I O.

Domine Jesu Christe, qui manuum lotionem, & sermone à Pilato innocens pronuntiatus

ma-

malevolorum criminationes per-
tulisti; fac me innocenter vivere,
& aliorum malevolentia non tur-
bari. Amen.

*Sacerdos vertit se ad populum
dicens: Orate Fratres.*

Pilatus educit JESUM dicens
populo: *Ecce homo.*

O R A T I O.

Domine Jesu Christe, qui pro
me cum illusoriis insignibus
ostentari voluisti; da mihi va-
nam gloriam vitare, & pro te li-
benter confundi. Amen.

*Sacerdos Praefationem & San-
ctus dicit.*

Christus ad mortem conde-
mnatur.

O R A T I O.

Domine JESU Christe, qui
sententiam damnationis ad
mortem crucis, pro me innocens

subiisti; da mihi, nec mortem, nec iniqua hominum iudicia per-
timefcere, neque alios sinistre ju-
dicare. Amen.

*Sacerdos pro vivis memento
facit.*

Christus crucem bajulat.

O R A T I O.

Domine Jesu Christe, qui cru-
cem tuam humeris propriis
bajulare voluisti; fac me crucem
mortificationis, tui amore quoti-
diè bajulare. Amen.

*Sacerdos supra calicem manus
tenet.*

S. Veronica sudarium Christo
porrigit.

O R A T I O.

Domine Jesu Christe, qui per-
gens ad supplicium, dixisti
mulieribus, ut super seipsas fle-
rent;

rent; fac me tibi sincere compati
& lugere peccata mea. Amen.

*Sacerdos format crucem super
oblata.*

Christus cruci affigitur.

O R A T I O.

Domine Jesu Christe, qui clavis
ferreis pro me cruci affixus,
peccati mortisq; chyrographum
eidem affixisti; confige me cru-
ci tuæ sancto timore. Amen.

Sacerdos elevat sacram hostiam.

Christus exaltatur in cruce.

O R A T I O.

Domine Jesu Christe, qui pro
me in cruce, ceu sanctissima
victima levatus, à terra exaltari
voluisti; fac me à terrenis affecti-
bus liberatum, mente in coelis ha-
bitare. Amen.

Sacerdos calicem elevat.

Ex vulneribus Christi sanguis
fluit.

H 3

O R A -

O R A T I O.

Domine Jesu Christe, victima salutaris, qui ex vulneribus tuis, fontes gratiæ nobis scaturire fecisti; da mihi in pravis affectibus, ad hos fontes recurrere, & medicinam haurire. Amen.

Sacerdos pro mortuis memento facit.

Christus in silentio orat in cruce.

O R A T I O.

Domine JESU Christe, qui in cruce pro toto genere humano, ipsisque crucifixoribus tuis, Patrem obsecrasti; da mihi mansuetudinis gratiam quâ & inimicis benefaciam. Amen.

Sacerdos percutiens sibi pectus dicit: Nobis quoque peccatoribus.

Latroni Paradisus promittitur.

O R A-

O R A T I O.

Domine Jesu Christe, qui Latroni culpam agnoscenti, Paradisum es pollicitus, respice & me iisdem misericordiae oculis, in hora mortis. Amen.

Sacerdos dicit Pater noster, &c.
Septem verba Christi in cruce.

O R A T I O.

Domine JESU Christe, commendo me tibi illa fide, qua Mariam, & Joannem sibi ipsis invicem commendasti; eorumque commendatione digneris me in omni periculo tueri. Amen.

Sacerdos sacram hostiam frangit.

Christus in cruce moritur.

O R A T I O.

Domine JESU Christe, qui amore mei in cruce moriens, Patri animam commendasti; di-

gneris animam meam habere tibi commendatam in hora mortis. Amen.

Sacerdos particulam sacre hostie mittit in calicem.

Anima Christi descendit ad inferos.

O R A T I O.

Domine Jesu Christe, qui contrita potestate diaboli, descendens ad inferos, Patrum animas liberasti; descendat Passionis tuæ virtus super animas Fidelium defunctorum, ut quantotius è Purgatorio liberentur. Amen.

Sacerdos percutit pectus dicens:
Agnus Dei, qui tollis, &c.

Ad mortem Christi plurimi convertuntur.

O R A T I O.

Domine Jesu Christe, qui sanctissimâ morte tuâ multos
pe-

pectora sua percutientes conver-
tisti; largire mihi per eandem
tuam mortem peccata serio de-
flere, nec amplius te scienter of-
fendere. Amen.

*Sacerdos sanctam Communio-
nem sumit.*

Christus Dominus sepelitur.

O R A T I O.

Domine JESU Christe, qui in
monumento novo sepeliri
voluisti; da mihi cor novum, in
quo tibi consepellear, ut ad re-
surrectionis gloriam tecum per-
venire merear. Amen.

Dic deinde cum Sacerdote:

Domine non sum dignus, ut in-
tres sub tectum meum, sed
tantum dic Verbo, & sanabitur
anima mea.

*Hic te cogita communicare cum
Sacerdote, & dic:*

CORpus Domini nostri JESU Christi, custodiat animam meam in vitam æternam. Amen.

Sic Christum quasi presentem complectens, & dic:

INveni quem diligit anima mea, tenui eum nec dimittam.

O sacrum Convivium in quo Christus summitur, recolitur memoria Passionis ejus; mens impletur gratia, & futuræ gloriæ nobis pignus datur.

Sacerdos calicem abluit.

Christus ungitur post mortem.

O R A T I O.

Domine Jesu Christe, qui post mortem, à Josepho, & Nicodemò unctus, munda Sindone involvi voluisti; da mihi sanctissimum corpus tuum ex Altari mundo corde suscipere, & virtutum aromatibus condire. Amen.

Sacer-

*Sacerdos post S. Communionem
orat.*

Christus resurgit à mortuis.

O R A T I O.

Domine Jesu Christe, qui victor nobili triumpho surrexisti à mortuis; da & mihi è veteri conversatione resurgere, tecumque in novitate vitæ ambulare. Amen.

Sacerdos dicit: Dominus vobiscum.

Christus apparet Discipulis.

O R A T I O.

Domine Jesu Christe, qui redivivo tuo corpore, dilectam Genitricem, ac Discipulos mirabiliter oblectasti; concede mihi aspectu gloriæ tuæ in coelis æternum frui. Amen.

Sacerdos ultimas Collectas dicit.

Christus quadraginta diebus
conversatur cum Discipulis.

O R A T I O.

Domine Jesu Christe, qui die-
bus quadraginta post resur-
rectionem cum Discipulis con-
versatus, eos in Fidei Mysteriis
instruxisti; doce me juxta volun-
tatem tuam incedere semper, &
ubique. Amen.

*Sacerdos ultimo dicit: Domi-
nus vobiscum.*

Christus ascendit in cœlum.

O R A T I O.

Domine Jesu Christe, qui glo-
riosè in cœlos Discipulis
cernentibus ascendisti; trahe ani-
mam meam post te ab amore tem-
poralium ut te solum sitiam, &
esuriam. Amen.

Sacerdos benedictionem dat.

Christus S. Spiritum mittit.

O R A-

O R A T I O.

Domine Jesu Christe, qui Discipulis simul orantibus sanctum misisti Spiritum; emunda cor meum, & imple eodem Spiritu, ut ejus ope ferventer, ac constanter tibi serviam. Amen.

C O M M E N D A T I O.

O DEUS abscondite, & Salvator! miserere egentissimi mendici bonitatis tuæ fores pulsantis. Ecce vitiis, & imperfectionibus plenus sum, dita me; morbis ac miseriis repletus sum, sana me; dona veniam peccatori; relaxa pœnam debitori; da gratiarum, & virtutum augmentum, intellectum fide, & sapientiâ tuâ instrue; affectum amore inflamma; memoriam præsentiaæ tuæ recordatione occupa; Justos in Ecclesia multiplica; tepidos

excita; peccatores justifica; infideles illumina; afflictos solare; adversarios concilia; defunctos libera; omnesque unà mecum mihi commendatos in sacratissima vulnera tua, ad protectionem, tutelamque nostram benignus admitte.

O Panis vitæ! pasce me.

O Eica animæ meæ! satia me.

O Solamen afflictorū! solare me.

O Virtus debilium! conforta me.

O Salus infirmorum! sana me.

O Jesu! sis mihi Jesus. Amen.

SACRAMENTUM
 P O E N I T E N T I Æ,
S E U
 DE CONFESSIONE.

Oratio ante examen conscientie.

O Domine JESU Christe!
 lux mundi vera, illuminans
 omnes,

omnes, qui in tenebris, vel magis in umbra mortis æternæ sedent: per amorem illum, quô, quæsiisti ovem perditam, obsecro te, illumina hodie per S. Spiritûs tui gratiam cor, & conscientiam meam, ut perfectè quidquid Divinæ Majestatis tuæ oculos offendit, recognoscere, & illud vera cordis contritione, ac humili Confessione deponere valeam. Qui vivis & regnas Deus in sæcula sæculorum. Amen.

Examinabis jam te, juxta Dei, & Ecclesiæ præcepta, septemque peccata mortalia.

Oratio præparatoria ante Confessionem.

Surgo, & ibo ad Patrem meum, & dicam: peccavi in cœlum, & coram te, non sum dignus vocari filius tuus; fac me sicut unum de
de

de pœnitentibus tuis, & mitte mihi hodie unicam solummodò micam de mensa infinitæ tuæ misericordiæ, ut peccata mea cognoscere, defflere, dignâmq; de illis pœnitentiam agere possim.

Peccavi, ô Pater misericordiarum, & Deus totius consolationis; iniquitates meæ supergressiæ sunt caput meum, & sicut onus grave gravatæ sunt super me; undè mea meritò gravata est conscientia; ideòque à via iniquitatum mearum redux ad brachia paternæ misericordiæ tuæ confusa facie recurro, ac humili, & contrito corde ad pedes tuos me abjicio, ut tecum in gratiam redeam. Peccavi Domine, peccavi: Confiteor peccata mea multa, & magna, quæ, si volo abscondere tibi, non possum: Erravi sicut

OVIS,

ovis, quæ perdidit se in confusione mundi, cursitans post omnia vanitatum genera, ut sequeretur illecebras, & affectiones criminosas: Discessi è domo tua cumulatius infinitis beneficiis, quorum Bonitas tua in me fuerat liberaliter prodiga; ego autem plus quàm prodigus iis infeliciter abusus sum.

Peccavi Domine, in Bonitatem tuam, præferens vilem creaturam, vanum honorem, transitoriam voluptatem, bonum leve, amoris tuo: Violavi toties sanctitatem præsentiae tuæ tot cogitationibus, & conspectui tuo abominabilibus actionibus: Contempsi Supremam Majestatem tuam, quam adorare, cui servire, & quam omni reverentia honorare debebam: offendi immensam Bo-

Bonitatem tuam cogitando, loquendo, operando, & in omnibus modis, in quibus ego fragilis homo peccare potui. Hæccine merces, mi Deus, quam tibi retribuui, quia extraxisti me ex nihilo, in quo adhuc forem sinè te? siccine agnovi sanguinem pretiosum venarum Filii tui unigeniti effusum tanto amore, & dolore propter me? Utinam nunquam te offendissem, nec offenderem posthac in æternum! Tibi soli peccavi, & malum coram te feci: Doleo ex intimo corde ob amorem tui de his, & de aliis omnibus peccatis, negligentis, & offensionibus, quibus Majestatem tuam offendi, gratiam tuam perdididi, cœlum ammissi, & me ipsum damnavi.

Peccavi Domine, peccavi!
quid

quid faciam tibi, ô custos hominum? ecce iniquitatem meam cognosco, & factus sum mihi metipſi gravis. Fateor, iram tuam merui, non indulgentiam; unde, ſi ejicis me à facie tua, juſtè facis; ſed ſi miſerum, & indignum, vel inter mercenarios recipis, miſericorditer facis. Utinam ſuperexaltet miſericordia judicium, quia ipſa eſt ſuper omnia opera tua.

Vide, Domine, afflictionem meam, erue me à circumdantibus me, quia confortatus eſt timor eorum ſuper me. Pèriit enim conſilium à me, & fortitudo mea defecit. Confractum eſt brachium meum, & gladius meus ſalvare me non poterit. Tu ſolus es, qui mihi ad refugium relictus es; ted quem ego, heu! nimis ſæpè reliqui;

qui; undè & meritò timeo relinqui; nihilominus, recordare, Domine, me, quamvis malum, & peccatorem, facturam tamen, & opus tuum esse: ad quem ego fugiam, nisi ad te vadam; si tu me ejicis, quis me recipiet? si tu me despicias, quis me accipiet?

Recipe ergo me filium tuum prodigum nunc revertentem ad te, & noli me judicare in rigore justitiæ tuæ, neque attendas ad multitudinem iniquitatum mearum, sed secundum multitudinem miserationum tuarum misere mei, intuitu Passionis JESU Christi Divini illius Pastoris, qui immolavit se pro ovibus suis. Parce mihi, Domine, peccata mea, sacrificium tibi spiritus contribulatus, cor contritum, & humiliatum non despicias; sed suscipe me

me ad osculum pacis, ut lætentur beati spiritus conversione mea, sicut ruinâ meâ lætati sunt impii. Cinge me iterum candidâ innocentiaë stolâ, & orna meam manum aureô fidei annulô, veluti pretioso pignore, qui me posthac contineat in timore, & amore tuo. Amen.

Oratio post Confessionem.

GRatias tibi ago, clementissime me DEUS, quòd me indignum peccatorem ad poenitentiam patienter expectaveris, veniam, & indulgentiam peccatorum mihi clementer concesseris. Suscipe, quæso, hanc humilem Confessionem meam, quam feci, & quidquid mihi nunc defuit ad plenam, & sinceram enumerationem peccatorum, meorum, & con-

convenientem pro iisdem dolorem, tu ex fonte misericordiæ tuæ, ac thesauro Passionis benignè supplere digneris, méque perfectè absolutum habere in cœlis: & præsta auxilium gratiæ tuæ, ut deinceps peccata devitem, ac fidiùs tibi ierviam, intercedente gloriosa Virgine, Genitrice tua, & omnibus Sanctis, qui tibi placuerunt ab initio mundi; juravi enim, & statui deinceps custodire judicia justitiæ tuæ, te adjuvante, qui vivis, & regnas DEUS, in iæcula sæculorum. Amen.

Oratio ante Communionem.

AD mensam dulcissimi convivi tui, piè Domine JESU Chryste, ego peccator de propriis meritis nihil præsumens; sed de tua confidens misericordia & bonita-

nitate, accedere vereor & contremisco. Nam cor & corpus habeo multis criminibus maculatum: mentem, & linguam non cautè custoditam. Ergo ô pia Deitas! ô tremenda Majestas! ego miser, inter angustias deprehensus, ad te fontem misericordiæ recurro: ad te festino sanandus: sub tuam protectionem fugio, & quem judicem sustinere nequeo, Salvatorem habere suspiro. Tibi, Domine plagas meas ostendo: tibi verècundiam meam detego. Scio peccata mea multa, & magna, pro quibus timeo. Spero tamen in misericordias tuas, quarum non est numerus. Respice ergo in me oculis misericordiæ tuæ, Domine Jezu Christe, Rex æternæ, Deus & homo, crucifixus propter hominem. Exaudi me sperantem in te: &

mi-

miserere mei pleni miseriis, & peccatis, tu qui fontem miserationis nunquam manare cessabis. Salve salutaris victima, pro me, & omni humano genere in patibulo crucis oblata. Salve nobilis, & pretiose sanguis, de vulneribus crucifixi Domini mei JESU Christi profluens, & peccata totius mundi abluens. Recordare Domine, creaturæ tuæ, quam tuo sanguine redemisti. Poenitet me peccasse: cupio emendare quod feci. Aufer ergo à me, clementissime Pater, omnes iniquitates, & peccata mea: ut purificatus mente, & corpore, dignè degustare merear sancta sanctorum; & concede, ut sancta prælibatio corporis & sanguinis tui, quam ego indignus sumere intendo, sit peccatorum meorum remissio, sit delicto-

lictorum perfecta purgatio, sit
turpium cogitationum effugatio,
bonorumque sensuum regenera-
tio, operumque tibi placentium
salubris efficacia, animæ quoque,
& corporis contra inimicorum
meorum insidias firmissima tuitio,
Amen.

*Oratio S. Bonaventuræ ante
Communionem.*

ECce cœlestis Pater, recolens
mortem illam unigeniti Filii
tui Domini nostri JESU Christi,
offero tibi hanc Hostiam, quam
ipse obulit pro mea, & totius
mundi salute. Ecce ad Altare tuæ
Majestatis transmitto oblationem
vivam, quam tu in miseratione
multa misisti ad Altare crucis im-
molandam pro nobis. Recordare
ergo illius sacrosancti sudoris,
quasi guttæ sanguinis decurren-
tis

tis in terram. Respice illam virginem carnem verberibus crudeliter flagellatam, colaphis, & alapis cæsam, tumoribus lividam, sputis maculatam, sanguine cruentatam, spinis perforatam, clavis confixam, lanceâ vulneratam. Illa ergo pietas, quæ Filium tuum traxit, & vicit, ut in statera crucis totius mundi peccata librares; ipsa te cogat, Pater miserere nobis miseris. Respice, obsecro, non nostra peccata, sed in faciem Christi tui: non enim in justificationibus nostris preces nostras prosternibus, sed in multitudine miserationum tuarum.

Aspirationes post Communionem.

Salve, mi dulcissime, ac potentissime hospes, Domine **JESU** Christe, diù desiderate,
 anxie

anxiè quæsite, sollicitè adama-
te.

Saluto te ex intimis animæ
meæ visceribus.

Adoro te cum Patre, & Spiri-
tu sancto apud me indignissimum
commorantem.

Benedic, anima mea, Domi-
no, & omnia, quæ intra me sunt,
Nomini sancto ejus.

Ecce, Domine, jam habeo te,
qui habes omnia. Possideo te,
qui possides omnia: ergo ô Deus
meus, & omnia! abstrahere cor
meum à cæteris omnibus extra
te, in quibus nîl, nisi vanitas, &
afflictio spiritûs: in te uno fixum
sit cor meum, in te sit requies-
mea; ubi est thesaurus meus, sum-
ma veritas, & vera felicitas, &
felix æternitas.

Sentiat, ô Domine, mens mea

dulcedinem præsentiaë tuæ. Gustet, quàm suavissimis sis Domine, ut inescata amore tui, nihil quærat extra te, unde gaudeat, quia tu es gaudium cordis mei, & pars mea Deus in æternum.

Tu es medicus animæ meæ, qui langviores nostros tuo livore sanâsti; ego verò sum infirmus ille, ad quem sanandum de cælo venisti; itaque sana animam meam, quia peccavi tibi.

Tu es Pastor bonus, qui posuisti animam tuam pro ovibus tuis. Ecce ego ovis illa, quæ perierat; & tamen dignaris me pascere corpore, & sanguine tuo. Quid negabis mihi, qui teipsum dedisti? Rege me, & nihil mihi deerit in loco pascuæ, ubi me collocasti, donec ad pascua vitæ æternæ perducas.

O lux vera, quæ illuminas omnem hominem venientem in hunc mundum, illumina oculos meos, nè unquam obdormiam in mortem; fecisti nos ad te, & inquietum est cor meum, donec requiescat in te.

O ignis jugiter ardens, & nunquam deficiens; ecce me tepidum, & frigidum; ure renes meos, & cor meum, ut ardeant amore tui; ignem enim venisti mittere; & quid vis, nisi ut accendatur?

O Rex coeli, & terræ, dives in misericordia, ecce ego egenus, & pauper sum; tu nôsti, ubi magis egeam; tu solus me ditare, & juvare potes.

Deus, adjuva me, & ex thesauris bonitatis tuæ succurre inopi animæ meæ.

O Dominus meus, & DEUS
I 3 meus.

meus. Ecce servus tuus sum ego; da mihi intellectum, & excita affectum, ut sciam, & faciam voluntatem tuam.

Tu es Agnus Dei, Agnus sine macula, qui tollis peccata mundi; tolle de me, quod mihi nocet, & tibi displicet; & da, quod nostri tibi placere, & mihi prodesse.

Tu es amor meus, & omne gaudium. Tu es Deus meus & omnia. Tu es pars hæreditatis meæ, & calicis mei; tu es, qui restitues hæreditatem meam mihi.

O Deus meus, & omnia, absorbeat, quæso, mentem meam vis ignita, & melliflua amoris tui, ut amore amoris tui mundo moriar, qui amore mei dignatus es in cruce mori, ô Deus meus, & omnia.

*Oratio S. Thomæ Aquinatis
post Communionem.*

GRatias tibi ago, Domine sancte Pater omnipotens æterne DEUS, qui me peccatorem, indignum famulum tuum, nullis meis meritis, sed sola dignatione misericordiæ tuæ satiare dignatus es pretioso corpore, & sanguine Filii tui Domini nostri Jesu Christi. Et precor te, ut hæc sancta Communio non sit mihi reatus ad poenam, sed intercessio salutaris ad veniam: Sit mihi armatura fidei, & scutum bonæ voluntatis: Sit vitiorum meorum evacuatio, concupiscentiæ, & libidinis exterminatio, charitatis, & patientiæ, humilitatis, & obedientiæ, omniumque virtutum augmentatio: contra insidias inimicorum omnium tam visibilium,

quàm invisibilium firma defensio :
 motuum meorum tàm carnalium,
 quàm spiritualium perfecta quie-
 tatio ; in te uno , ac vero DEO
 firma adhæsio , atque mei finis fe-
 lix consummatio. Et precor te ,
 ut ad illud ineffabile convivium
 me peccatorem perducere digne-
 ris , ubi tu cum Filio tuo , & Spi-
 ritu sancto , sanctis tuis es lux ve-
 ra , satietas plena , gaudium sem-
 piternum , jucunditas consumma-
 ta , & felicitas perfecta. Per eun-
 dem Christum Dominum nostrum,
 Amen.

PRECES MATUTINÆ.

Dum evigilas , dic :

IN Nomine Pa
 & Spi^{ritus} sancti , Amen.

Jesu Maria Joseph ! vobis offe-
 ro in Sacrificium matutinum cor,
 & animam meam.

In

Intentio Matutina.

SANCTISSIMA Trinitas unus Deus, ego in conspectu tuo indignissimus, volo omnia cogitare, dicere, facere, pati, &c. ex omnium virtutum motivo, intentionibus purissimis, perfectissimis, tibi que gratissimis, quas ipse tuo influxu, & concursu habes, atque adinvenire, & optare potes. Omnes & singulas animæ & corporis mei motiones, cogitationes, volitiones, respirationes, verba, & opera in virtute Spiritûs Sancti per dilectum Filium tuum tibi offero, ut tibi supremo Domino meo omnem possibilem honorem, laudem, gloriam, & beneplacitum præstem, omne bonum gratuler, ac pro universis beneficiis gratias agam: In laudem quoque & memoriam humanitatis Domini

ni nostri Jesu Christi, in commemorationem vitæ, passionis, mortis, omniumque mysteriorum ejus; nec non in venerationem, cultum, & augmentum beatitudinis beatæ Mariæ Virginis, sanctorum meorum Patronorum, Angelorum, atque omnium Sanctorum: pro impetranda mihi gratia proficiendi in virtutibus, pro satisfactione meorum peccatorum, pro omnibus fidelibus defunctis, ac denique pro omni eo, quod tu scis, & vis, me maximè à te debere postulare. Declaro insuper me omnia à te petere, non quatenus mihi bona, sed quatenus tibi sunt grata; hinc contentissimus ero, licet nihil impetravero. Hoc est mihi præmii satis, quòd tu sis, qui es. Et quoniam vitæ meæ distractiones, me non sinunt huic
semel

semel expressæ intentioni semper actualiter inhærere; idcirco quoties respiravero, toties hanc meam voluntatem ratam, & renovatam volo. Omnia sint unita vitæ, ac passioni Jesu Christi, ac meritis omnium sanctorum. Domine ante te desiderium meum; si hac intentione tibi gratiorem scirem, utique elicerem.

DEUS Deus meus, ad te de luce vigilo. Sitivit in te anima mea, quã multipliciter tibi caro mea.

Illumina, Domine, oculos meos, nè unquam obdormiam in morte! nè quando dicat inimicus meus, prævalui adversus eum.

In Nomine Patris, & Filii, & Spiritus sancti, Amen.

Benedicta sit sancta, & individua Trinitas nunc, & semper, & per infinita sæcula sæculorum, Amen.

Sanctus Deus, sanctus fortis,
sanctus & immortalis, miserere
mei.

In Nomine Domini Jesu Chri-
sti surrexi, qui me redemit suo
pretioso sanguine, ille me bene-
dicat † custodiat, regat, atque
ab omni malo defendat, in omni
opere bono semper confirmet, &
post hanc miseram vitam perdu-
cat me ad vitam æternam, Amen.

Benedictio, & claritas, & sa-
pientia & gratiarum actio, honor,
virtus, & fortitudo DEO nostro
in sæcula sæculorum, Amen.

Clarifica me Domine, clarita-
te interni luminis, & educ de
tabernaculo cordis mei tenebras
universas.

Quando intuebor te? ô bone
JESU! ô Salus mea! quando te
videbo?

Non

Non me vincat, ô clementissime JESU! caro, & sanguis: non me decipiat mundus, & brevis gloria ejus: non me supplantet diabolus, & astutia illius.

Discedant à me, qui volunt mihi mala, & tu Jesu mi tanquam bellator fortis esto mecum.

Jesus centrum cordis mei, & pars mea Deus in æternum.

Maria Mater gratiæ, Mater misericordiæ, tu me ab hoste protege, & horâ mortis suscipe.

Angele Dei, qui custos es mei, me tibi commissum pietate superna, hodie illumina, custodi, rege, & gubernata.

Sancti Patroni, & Advocati mei, N.N. vestrâ tutelâ me circumvallate, ut non accedat ad me malum, & flagellum non appropinquet tabernaculo meo.

Diei accomodatus, dic:

O Misericordissime Jesu, omne bonum meum, Pater mi, solatium meum, & Deus meus! gratias tibi ago. Tibi quoque ue ô benigna Virgo Maria, consolatrix viventium, & pia Mater morientium! Sancte Angele Custos, ac vobis amantissimi sancti Patroni, & Advocati mei N. N. ac omnibus Sanctis gratias ago pro nocte hac feliciter transacta, quod in peccatis mortuus non fuerim, sed ad hanc usque diem servatus, ut per fidem, poenitentiam, ac Christianæ legis opera gratiam Dei mihi conciliare valeam.

O clementissime Deus! in gratiarum actionem ad te primum suspirium, & æstus cordis mei; tibi me totum, qualemcunque, quantum, omnes animæ vires; &

COR-

corporis sensus, & omnia offero,
& immolo; ut de me, meisque
omnibus tanquam de tuis statuas:
Vitam meam ad tui Nominis glo-
riam dirigas, bonis suggestioni-
bus intellectum illustres, fervore
charitatis affectum ad te moveas,
sensus, sermones, & actus meos
ad animæ meæ, & proximi sa-
lutem componas.

O piissime Jesu! rogo te, ut ho-
dierna die ab omni peccato me
custodias, nè cogitatione, verbo,
vel opere, aut negligentia divi-
nam tuam Majestatem ullo mo-
do offendam.

O amantissime Deus! fac me si-
militer transacta hac die feliciter
ad honorem tuum vesperum vi-
dere: si autem mihi hanc subtra-
his, & hodie mihi ex hoc sæcu-
lo migrandum est, fiat sancta vo-
lun-

luntas tua. Fac saltè, Pater misericordiarum, benignè cum seruo tuo, salva me in te sperantem, nè hora improvisa me corripiat, nec dies tua ut fur mihi adveniat. In manus tuas commendo spiritum meum: in te Domine speravi, non confundar in æternum: Et idem omnibus fidelibus concede, oro, & maximè his, pro quibus orare teneor.

Munimen Matutinum.

O Potentissime Jesu! hodie impono fronti meo vexillum fidei, † & signum victoriæ sanctissimæ crucis tuæ; ut me peccatorem hodierna die tueri digneris ab omni perturbatione mentis, & corporis, à vexatione dæmonum, à malis hominibus, à potestate inimicorum visibilium, & invisibilium, nec non ab omnibus
ma-

maleficiis, ab omni pestifero cibo, & potu, dolore, & angustia; à confusione humana, & scandalo; à periculo ignis, & aquæ; à vitiis, & peccatis; ab omni lapsu, & ruina; læsione, & incommodo; & à subitanea, improvisa, & mala morte; per te Jesu Christe Salvator mundi. Qui vivis & regnas DEUS in sæcula sæculorum, Amen.

Ad signum S. Crucis.

A Te crucifixe, amor mi, Jesu dulcissime, accipiam signum sanctæ crucis in † fronte, † ore, & in † corde; ut in æternum vivam sub tua protectione, concede mihi hodie, & in omni tempore vitæ meæ currere viam mandatorum tuorum, sub hoc vexillo sanctæ † crucis; ut contra hostiles insultus, mundi, carnis, & dia-

diaboli, fortiter præliando, victoriam, ac tandem bravium vitæ æternæ reportem, Amen.

Benedictio Matutina.

Benedicat me DEUS Pater, qui me creavit: defendat me Filius Dei, qui pro me crucifixus est; illuminet me virtus Spiritus sancti, qui mihi in Baptismo infusus est. Et benedicta sit sancta, & individua Trinitas à me, & ab omni creatura nunc, & per omnia sæcula sæculorum, Amen.

Has quatuor sacras litteras J. N. R. J. pollice in fronte scribe, simul & nomine significata die: que plurimum valent contra subitanam, & improvisam mortem. Teste S. Edmundo.

JESUS NAZARENUS, REX JUDÆORUM: hic titulus triumphalis Jesu Christi Salvatoris mei, præservet me à subitanea, improvisa, & mala morte, Amen.

Pre-

PRECES VESPERTINÆ.

Sub tuum præsidium confugi-
mus, sancta Dei Genitrix, no-
stras deprecationes nè despicias
in necessitatibus nostris; sed à pe-
riculis cunctis libera nos semper
Virgo gloriosa, & benedicta.

LITANIÆ LAURETANÆ.

Kyrie eleison. Christe eleison.

K Kyrie eleison.

Christe audi nos.

Christe exaudi nos.

Pater de coelis Deus,

Filii Redemptor mundi

Deus,

Spiritus sancte Deus,

Sancta Trinitas unus Deus,

Sancta Maria,

Sancta Dei Genitrix,

Sancta Virgo Virginum,

Mater Jesu Christi,

Miserere
nobis.

Ora pro
nobis.

Ma-

Mater Divinæ gratiæ,
Mater purissima,
Mater castissima,
Mater inviolata,
Mater intemerata,
Mater amabilis,
Mater admirabilis,
Mater Creatoris,
Mater Salvatoris,
Virgo prudentissima,
Virgo veneranda,
Virgo prædicanda,
Virgo potens,
Virgo clemens,
Virgo fidelis,
Speculum justitiæ,
Sedes sapientiæ,
Causa nostræ lætiæ,
Vas spirituale,
Vas honorabile,
Vas insigne devotionis,
Rosa mystica,

Ora pro nobis.

Turris Davidica,
 Turris eburnea,
 Domus aurea,
 Foederis Arca,
 Janua Coeli,
 Stella Matutina,
 Salus infirmorum,
 Refugium peccatorum,
 Consolatrix afflictorum,
 Auxilium Christianorum,
 Regina Angelorum,
 Regina Patriarcharum,
 Regina Prophetarum,
 Regina Apostolorum,
 Regina Martyrum,
 Regina Confessorum,
 Regina Virginum,
 Regina Sanctorum omnium,

Ora pro nobis.

Agnus DEI, qui tollis peccata
 mundi; Parce nobis Domine.
 Agnus DEI, qui tollis peccata
 mundi; Exaudi nos Domine.

Agnus

Agnus DEI, qui tollis peccata mundi; Misere nobis.

Kyrie eleison. Christe eleison.

Kyrie eleison.

Ÿ. Ora pro nobis S. Dei Genitrix.

℞. Ut digni efficiamur promissionibus Christi.

Oremus.

GRatiam tuam quæsumus, Domine, mentibus nostris infunde: ut qui Angelo nunc ante Christi Filii tui Incarnationem cognovimus; per passionem ejus, & crucem, ad resurrectionis gloriam perducamur. Per eundem Christum Dominum nostrum, Amen.

Ÿ. Ora pro nobis beatissime Joseph.

℞. Ut digni efficiamur promissionibus Christi.

Oremus.

SANCTISSIMÆ Genitricis tuæ Spōsi,

si, quæsumus Domine, meritis adjuvemur; ut quod possibilitas nostra non obtinet, ejus nobis intercessione donetur. Qui vivis & regnas Deus, in sæcula sæculorum, Amen.

Solve Deo gratias.

O Clementissime Deus, Creator, Protector, ac Redemptor meus! te benedico, laudo, glorifico cum omnibus Angelis, & electis DEI; gratiasque ago pro animi & corporis donis, ac beneficiis mihi hodie, & aliàs liberalissimè collatis: quid retribuam tibi Domine pro omnibus, quæ retribuisti mihi? me totum, & omnia, quæ dedisti mihi, insuper & omnium Sanctorum laudis & amoris affectus, in unione Passionis ac meritum Christi tibi pro merita gratiarum actione offero. Suscipe,
ô

ô Pater æterne, hanc oblationem
meam; utinã majori affectu nunc,
& in æternum cum omnibus crea-
turis te laudare & glorificare pos-
sem! Paratum cor meum DEUS,
paratum cor meum. *Psal. 56. 8.*

Pete lumen.

Veni S. Spiritus, & emitte coeli-
tus lucis tuæ radios: illumina
mentis meæ tenebras, ut peccata
hodie commissa, negligentiasque
meas videã, agnoscaã, & detester.

Discute mentem.

Quantas habeo iniquitates, &
peccata! scelera mea & de-
lictã ostende mihi.

*Omnes diei horas percurre, & vide,
quid boni neglexeris, quid mali commi-
seris, cogitatione, verbo, opere.*

Delicti veniam posce.

EN Domine Deus, quid retri-
bui tibi pro omnibus, quæ re-
tri-

tribuisti mihi, nisi peccata, negligentias, & ingrattitudines? Ah! quàm doleo, quod te Deum summum bonum meum, mihi super omnia dilectum, unquam offenderim! Tibi soli peccavi, & malum coram te feci. Erravi, sicut ovis, quæ periit. Respice in me, & miserere mei. Ignosce, ô Deus! ignosce per gemitus, lacrymas, passionem & mortem dilectissimi Filii tui Domini mei Jesu Christi.

Ecce, mi Jesu, in te posita est omnis spes mea. Te supplex oro, ut omnia scelera & delicta mea sacratissimo sanguini tuo immergas, tuisque infinitis meritis compenses, quicquid meæ satisfactioni deest; tu enim es propitiatio pro peccatis nostris.

Cave ne unquam, licet occupatissimus, examen hoc vespertinum omninò negligas. Si otium non habeat, aut non lubeat orationes hic præscriptas re-

sitare, Age vel unicò suspiriò, Deo tuo gratias pro acceptis isto die, totàque vita beneficiis. Pete similiter lumen, inspicie conscientiam, & vide, qua in re Deum isto sortè die graviter offenderis; Contritionem elice cum proposito emendationis. Potes hac ratione aeterna damnationis periculum evadere; adeoque etiam sinè Confessione (si contingeret te subito mori ista nocte) salvari. Nemo tamen, hac spe fretus, liberè præsumat peccare; Nolite errare, Deus non irridetur. Gal. 6.

Dum lectum ingrederis.

IN nomine Domini nostri JESU Christi crucifixi cubitum eo; ille me benedicat, regat, custodiat, & ad vitam perducatur æternã, Añ.

In lecto.

IN manus tuas commendo spiritum meum, redemisti me Deus veritatis.

Angele Dei, qui custos es mei, me tibi commissum pietate supernã, custodi, rege, & governa, Añ.

Deinde honestè compositus, occupato pia meditatione animo quasi in vulnera lateris Christi, aut Angeli Custodis complexu, vel in tumba sepulchrali somnum exspecta, pièque indormisce.

Index hujus Opellæ.

O fficium Sancti Antonii Pad- vani.	Pag. 10
Litania, de S. Antonio.	20 & seqq.
Oratio, quâ S. Antonii Patrocinium im- ploratur.	25
Oratio ad S. Antonium, tempore neces- situdinis particularis.	27
Alia Oratio, per modum Psalmi.	29
Quæsitæ brevia de Patria, Imagino, ac de- scriptione S. Antonii.	34 & seqq.
Responsorium in miraculorum S. Antonii memoriam.	41
Responsorium præcedens in forma Orationis.	42
Brevi declaratio Responsorii S. Antonii.	45
Precepiuncula XII.	70 & seqq.
Novena, vel modus colendi S. Antonium, per novem dies Martis.	78
Oratio, quâ S. Ant. in Patronum eligitur.	80
Oratio, dum Novenam quis incipit.	81
Orationes, durante Novena.	84 & seqq.
Oratio ad Jesum, & S. Antonium, cum quis experitur se nondum exauditum.	88
Gratiarum actio post obtentam gratiam.	90
Oratio absoluta Novena.	92
Novem breves Orationes, per mysteria vi- ta	

I N D E X.

<i>tæ S. Antonii.</i>	93
<i>Oratio ad S. Antonium.</i>	100
<i>Septem devotæ contemplationes, distribu- ta per septem Hebdomadis dies.</i>	102
<i>Tres Genusflexiones.</i>	116
<i>Devota Oratio ad S. Antonium.</i>	120
<i>Hymnus in Processione cantandus.</i>	122
<i>Orationes ad SS. Patronas, & SS. Patro- nos Congregationis S. Antonii.</i>	123
<i>Hymnus de S. Catharina Bononiensi.</i>	Ibid.
<i>Hymnus de S. Catharina Senensi.</i>	125
<i>Litanie S. Claræ Virginis.</i>	127
<i>Modus efficax faciendi novenas ad hono- rem S. Petri de Alcantara.</i>	133 & seqq.
<i>Responsorium S. Petri de Alcantara.</i>	139
<i>Responsorium ex Breviario S. Petri de Alcantara.</i>	141
<i>Oratio devotissima ad S. Petrum de Al- cantara.</i>	142
<i>Auditio Sacri.</i>	144 & seqq.
<i>Sacramentum Pœnitentiæ.</i>	170
<i>Oratio post Confessionem.</i>	177
<i>Oratio ante Communionem.</i>	178
<i>Preces post Communionem.</i>	181
<i>Preces Matutina.</i>	188
<i>Preces Vespertina cum Litanis Lauret.</i>	199







AS

712

712